

證因脈治目錄

卷三

腫脹

黃疸

三消

不得卧

痿症

筋攣

痺症

痿軟

症因脉治卷之三

雲間秦昌遇景明甫纂著

從孫 之楨皇士重輯

男 堂周明甫

全較

及門

陳 仁弘九甫

唐 鏗舒霞甫

雯紋石甫

同學

顧昌朝珮聲甫

施

霖葆文甫叅訂

施 霖字瞻甫

鎬象三甫

腫脹摠論

秦子曰。腫症在表者多。脹症在表者少。腫症腫於遍身。現於皮膚。在外不在內。脹症脹於心腹。即內經所

謂心腹滿。且食不能暮食也。是以其症當分。其治當別。然經絡同者。症形治法亦無不同。例如外感之腫。與外感之脹。二者固自各異。至內傷五臟之腫。與內傷五臟之脹。則形症治法大抵相似。今分列前後。以備互相參考。

○外感腫症

風寒腫
寒濕腫

濕熱腫
燥火腫

黃汗腫

○風寒腫

風寒身腫之症。惡寒身熱。身首皆腫。風勝多汗。寒勝無汗。此外感風寒。即金匱風水。皮水。從太陽經主治之症也。

風寒身腫之因。表氣素虛。肺氣素熱。表氣虛則外邪易入。肺氣熱則皮毛易開。寒襲於肌表。鬱而不散。則發熱身腫之症作矣。

風寒身腫之脉。多見浮大。或見浮數。或見浮緊。浮緩爲風。浮緊爲寒。浮數爲熱。

風寒身腫之治。浮緩散風。浮緊散寒。仲景防己黃芪湯。治風者也。甘草麻黃湯。杏子湯。散寒者也。越婢湯。桂枝芍藥湯。和榮衛者也。大腹皮散。木香丸等。和裏氣者也。若風入肺經。兼喘咳。瀉白散加防風。寒入肺經。而發熱喘咳者。瀉白散加麻黃。

防已黃芪湯

防已 黃芪 甘草 白朮

右用七錢加姜棗煎服以綿被回腰微汗為度潔

古用此湯調五苓散

金匱甘草麻黃湯

甘草 麻黃

全杏子湯

麻黃 杏子 甘草

越婢湯

麻黃 石膏 生姜 大棗 甘草

桂枝芍藥湯

桂枝 白芍藥 甘草

大腹皮散

青皮 桑皮 檳榔 川芎 羌活 大腹皮

防已

木香丸

木香 五錢 檳榔 五錢 二味同研水為丸

朱砂 五分 為衣

瀉白散

桑白皮 地骨皮 甘草

症因脉治

三 腫脹

三

收

風加防風 寒加羌活麻黃

○寒濕腫

寒濕身腫之症。身重身痛。足脛冷。胸滿悶。遍身腫。此

寒濕腫之症也。

寒濕身腫之因。或時令陰雨。天氣寒冷。或居處陰濕。

陰寒之氣。襲于肌表。或因汗出遇水。水寒所傷。則

寒濕腫之症成矣。

寒濕身腫之脉。脉多沉小。或見沉遲。或見沉濡。

寒濕身腫之治。惡寒身痛。先宜溫經散濕。冬月麻黃

桂枝湯。餘月羌獨敗毒散。濕氣壅滯者。勝濕湯。肺

經傷濕。喘咳水腫。導水茯苓湯。

麻黃桂枝湯

麻黃 桂枝 白芍藥 甘草

羌獨敗毒散 見後濕熱痿

羌活勝濕湯 見後濕熱腫

導水茯苓湯 原文治遍身腫。喘滿倚息。不能轉身。

飲食不下。小便溺出如割而少。如黑豆汁。

麥冬 澤瀉 白朮 紫蘇 陳皮 赤茯苓

柴胡 枳榔 木瓜 砂仁 木香 桑白皮

大腹皮

症因脈治 卷三 腫脹 四 收寧堂

○濕熱腫

濕熱身腫之症。身熱目黃。小便赤澁。胸腹脹悶。四肢黃腫。口渴心煩。此濕熱作腫。卽陽水腫之症也。

濕熱身腫之因。或濕熱行令。襲人肌表。或先傷於濕。濕氣久留。鬱而成熱。則濕熱腫症作矣。

濕熱身腫之脉。脉多洪數。或見沉滑。或見促結。或見實大。濕熱太甚。脉反沉伏。

濕熱身腫之治。宜清金利水。金清則小便利。而濕熱除。清肺飲合四苓散。二便俱閉。八正散。下部腫。二妙丸。濕熱在表者。羌活勝濕湯。

清肺飲

骨皮 桔梗 甘草 黃芩 桑白皮

四苓散 卽五苓散去桂枝

八正散 見後濕熱腹脹

二妙丸 見後濕熱痿

羌活勝濕湯 治濕熱在表宜汗之症

防風 羌活 柴胡 白芷 川芎 蒼朮

黃芩

○燥火腫

燥火身腫之症。喘促氣急。兩脇刺痛。身面浮腫。煩躁

不得卧。唇口乾燥。小便赤澀。卽河澗燥傷肺氣。節
齋先喘後腫之症也。

燥火身腫之因。時值燥令。燥火刑金。絕水之源。肺氣
焦滿。清化不行。小水不利。氣道閉塞。而燥火腫症
作矣。

燥火身腫之脉。或見浮數。燥傷於表。或見沉數。燥傷
於裏。或見躁疾。燥傷於血。或見洪數。燥傷於氣。

燥火身腫之治。若時令秋燥。竹葉白虎湯。燥傷於血。
清涼飲子。有咳嗽。石羔瀉白散。

竹葉石羔湯

竹葉 石羔 桔梗 木通 薄荷 甘草

咳嗽加桑白皮地骨皮

清涼飲子

黃芩 黃連 薄荷 玄參 當歸 芍藥

甘草 山梔 牡丹皮

石羔瀉白散

石羔 知母 桔梗 甘草 桑白皮 地骨皮

○黃汗腫

黃汗身腫之症。身熱胸滿。四肢黃腫而渴。狀如風水。汗出沾衣。色如栢汁。久不愈。必致癰膿。又有不惡

風。小便利。若上焦寒。口多涎。身冷腫痛。狀如周痺。胸中窒。不能食。又有兩脛不冷。反發熱。名歷節。食已汗出。常見盜汗。汗出不涼。反發熱。久久必甲錯。生惡瘡。身痲痲。胸中痛。劇者不能食。身疼重煩躁。小便不利。皆黃汗腫症也。

黃汗身腫之因。以汗出入水。水邪內侵。或汗出當風。汗與水皆寒濕之氣。內結鬱久。則成熱成黃。而黃汗腫之症作矣。

黃汗身腫之脈。其脈自沉。或多沉遲。陽症陰脈。故用桂枝。

黃汗身腫之治。金匱以身腫發熱。汗出而渴。狀如風
。用黃芪芍藥桂酒湯。兩脰不冷。反發熱。各歷
節。食已汗出。暮盜汗。汗出反發熱者。用桂枝加黃
芪湯。

黃芪芍藥桂酒湯

黃芪 桂枝 白芍藥

右三味以苦酒煮如怕煩心以美酒易苦酒

桂枝加黃芪湯

桂枝 芍藥 生姜 黃芪 大棗 生甘草

槓按金匱治黃汗症。一曰身體痛。發熱汗出而渴。

汗出色如蘖汁。脉自沉者。黃芪芍藥桂酒湯。一曰黃汗之症。兩脛自冷。假令反發熱。此風寒歷於肢節而痛。名曰歷節。又食已。胃火勞動而汗出。暮夜則營分有虛熱而盜汗。然既汗出。則宜身涼。今因水邪內結不散。故反發熱。熱久汗多。則皮膚之陰血爲熱所爍。爲汗所耗。久久必甲錯。若再熱。營氣熱附。必生惡瘡。若身重。汗出輒輕。旋又復重。則汗雖出發熱不減。身重不除。久久內氣必虛。肌肉羸。羸而動。內虛中氣不得運。則胸中痛。元氣上下不貫。則腰上有汗。下無汗。腰臑弛痛。如有物在皮膚

中而不和順。劇者不能食。疼痛煩躁。小便不利。桂枝加黃芪湯。按前一症。以汗出不固。水邪入營。鬱而發熱。熱甚則發黃而渴。故以桂枝和營。以苦酒引入血分。散其水寒。則熱自退。脈不沉矣。但衛虛不宜多汗。故用黃芪之力實衛耳。後一症。卽桂枝原方。加生姜大棗甘草。又飲熱粥以助胃得汗。其加黃芪實表固衛者何故。蓋治脈浮發熱。汗多熱不退之症。不得不用桂枝。以其多汗盜汗。又不得不用黃芪。此症因水寒之邪。盤結不散。汗雖出而熱不減。正所云汗出而邪不出者。故仲景於桂枝

散表方中。重加黃芪。佐以大棗甘草生姜。和其胃氣。同功衛外。使其邪出而汗不出也。仲景以黃汗列之水氣門。不入黃疸症中。字泰又以黃汗爲黃疸之首。而水腫門畧註一條。此亦互相發明之意。然又有分別。汗出染衣。遍身無腫。乃黃疸症中黃汗。卽準繩所云黃汗也。黃汗染衣。發熱脛冷。卽仲景黃芪芍藥桂酒湯所治之黃汗也。黃汗染衣。若脛不冷。反發熱。卽仲景桂枝加黃芪湯所治之歷節也。二症有腫不腫之分。故有水腫黃疸之別。水寒之邪。內結脈沉。當同傷寒例。太陽發熱多汗之

桂枝症。用辛溫解肌。使其邪散身涼。不可同熱病門。熱邪伏內。汗出熱不退之症。用清裏退熱者比。

內傷腫症

肺虛腫
肺熱腫

脾虛腫
脾實腫

腎虛腫

○肺虛腫

肺虛身腫之症。瀉利喘咳。面色慘白。或腫或退。小便清利。或氣化不及。小便時閉。大便時澹。即金匱脉沉自喘之正水。此肺虛腫症也。

肺虛身腫之因。勞役過度。肺氣久虛。清肅之令不行。下降之權失職。衛氣壅遏。營氣不從。則腫症作矣。肺虛身腫之脉。寸口細數。肺液乾少。右關虛軟。土不

生金。尺脉細數。腎水不足。

肺虛身腫之治。肺燥者。生脉散。土不能生金者。四君子加杏仁貝母。腎水不足。人參固本丸。肺氣不能收攝。都氣丸。

生肺散

人參 揀麥冬 北五味

氣逆加橘紅 有痰加貝母 嗽多喘滿加桑白

皮 小便不利加杏仁

四君子湯 治肺氣不足

人參 白朮 白茯苓 甘草 氣逆加橘紅

人參固本丸

生地 熟地 天冬 麥冬 人參 貝母

都氣丸 卽六味地黄丸加五味子

凡治虛症。當明陰陽。如陰虛當養陰。陽虛當養陽。

如面色慘白。二便清利。氣怯神離。肺之真陽虛也。

當用四君子湯。若喘咳骨蒸。痰火上逆。痰中帶血。

此肺之真陰虛也。又當用固本丸。

○肺熱腫

肺熱身腫之症。喘咳煩滿。不得仰臥。喘息倚肩。身首

皆腫。小便赤澁。此卽內經諸氣臏鬱。肺熱成腫之

症也。

肺熱身腫之因。肺熱葉焦。肺氣怫鬱。升降之令不行。治節之官失職。則經絡壅閉。營衛不諧。而遍身頭面皆腫矣。

肺熱身腫之脈。右寸洪數。肺熱之診。關脈實大。胃火刑金。尺脈數大。腎火上炎。左關弦數。木火侮金。左寸洪數。心火剋金。

肺熱身腫之治。宜清肺者。家秘瀉白散。兼風者。加防風。燥者。二冬二母湯。心火刑金。瀉心湯。肝火刑金。瀉青丸。龍胆瀉肝湯。腎火剋金。涼八味丸。陽明多

火。肺受薰蒸。葛根石羔湯。水飲射肺。面浮喘逆。不得卧者。葶藶清肺飲。

家秘瀉白散

川連 黃芩 石羔 甘草 桑白皮 地骨皮

二冬二母湯

天冬 麥冬 知母 貝母

瀉心湯

黃連 半夏 甘草

瀉青丸

當歸 川芎 梔子 龍胆草 川大黃

羌活 防風 甘草

大便滑者去大黃 身無痛不發熱去羌活防風
有寒熱加柴胡 舌赤加黃連 小便赤加木通

龍胆瀉肝湯

胆草 柴胡 黃芩 甘草 山梔 知母

天冬 麥冬 黃連 人參

涼八味丸 卽六味丸加黃栢知母

乾葛石羔湯

乾葛 石羔 知母

葶藶清肺飲

葶藶子 桑白皮 地骨皮 甘草

大腹皮 馬兜鈴

○脾虛腫

脾虛身腫之症。小便清利。大便溏泄。面色萎黃。語言懶怯。常腫常退。此脾虛腫之症也。

脾虛身腫之因。大病後。久瀉後。脾土之真陰受傷。轉輪之官失職。不能運化水穀。則諸經凝窒。而腫症作矣。

脾虛身腫之脉。或見濡軟。或見弦數。或見浮大。或見細澹。土敗雙弦。乃爲木賊。

脾虛身腫之治。宜溫中健脾。用理中湯。實脾利水。用白朮散。或脾腎虛寒。當溫補天真。金匱腎氣丸。脾虛痰凝者。六君子湯。脾陰虛損。脾火自旺。加味歸脾湯。

理中湯

人參 炮姜 白朮 炙甘草

白朮散

白朮 猪苓 澤瀉 山藥 蓮肉 白茯苓

人參 炙甘草

金匱腎氣丸 卽六味地黃丸加桂附車前子

六君子湯

人參

白朮

茯苓

甘草

廣皮

熟半夏

加味歸脾湯

卽歸脾湯加丹皮山梔

秦子曰。脾虛亦有陰陽之分。脾陰虛者。脾血消耗。脾火內炎。脾雖虛而仍熱。服溫補。則火愈甚。陰愈消。必得滋補脾陰。則陽退而無偏勝矣。

○脾熱腫

脾熱身腫之症。面腫目黃。煩躁不卧。皮膚常熱。小便赤。大便時泄時結。常腫不退。此脾熱腫之症也。

脾熱身腫之因。膏梁厚味。日積月累。熱聚脾中。則脾

熱腫之症作矣。

脾熱身腫之脉。右關弦數。熱積中州。左關弦數。肝熱乘脾。右關沉滑。痰飲在胸。

脾熱身腫之治。加味瀉黃散。梔連枳殼湯。兼肝火者。

龍胆瀉肝湯。胸前滿悶。梔連平胃二陳湯。或倍加

川連枳實以消痞。或加升麻乾葛以宣揚。二便閉。

八正散。白芍藥同川連。大清脾經之火。家秘戊巳

湯。加川連。清脾熱。兼清肝火。

加味瀉黃散

藿香

山梔

石羔

甘草

防風

大黃

白芍藥

梔連枳殼湯

枳殼

厚朴

廣皮

甘草

山梔

川黃連

龍胆瀉肝湯

見前肺熱腫門

梔連平胃散

即平胃散加梔子連翹

梔連二陳湯

即二陳湯加川連山梔

八正散

見濕熱腫門

戊巳湯

家秘清肝脾血分之火。

白芍藥

甘草

川黃連

○肝腎虛腫

陽虛

陰虛

肝腎虛腫之症。腹冷足冷。小水不利。或小腹腫。腰間痛。漸至腫及遍身。面色黑黃。此肝腎經真陽虛。卽內經石水症也。若水虧火旺。喘咳腹脹。內熱便澀。此肝腎真陰虛腫。卽內經腎水症也。

肝腎虛腫之因。肝主施泄。腎主閉藏。肝腎之真陽不足。不能司其開闔。則小水不利。若陰精素虛。色慾太過。肝腎之真陰不足。虛火爍金。小水亦不利。內經所云關門不利。聚水而生病也。

肝腎虛腫之脈。左脈遲弦。肝腎真陽不足。左脈細數。肝腎真陰不足。左脈沉緊。緊則爲寒。沉則爲水。左

脉沉數。沉則爲裏。數則陰竭。

肝腎虛腫之治。腎陽不足。金匱腎氣丸。河車丸。腎陰不足。人參固本丸。家秘肝腎丸。

金匱腎氣丸 見前脾虛腫

河車丸 治先天不足。氣血兩虧。

人胞一具煎爛入白茯苓山藥打爲丸

人參固本丸 見前肺虛腫

家秘肝腎丸 治腎水不足。虛火上炎。

知母 二兩 黃栢 二兩 當歸 三兩 白芍藥 三兩

右爲細末。另以天冬地黃各六兩熬膏爲丸。

槓按肝腎不足。宜分陽虛陰虛。例如治虛火。要分氣分血分。氣分虛火。用補中益氣湯。加黃栢知母。血分虛火。四物湯加黃栢知母。故治肝腎陰虛火入旺者。用家秘肝腎丸。以養真陰。陽虛火衰者。用八味丸。以養真陽。

○外感腹脹 傷寒 風濕 濕熱 寒濕

○傷寒腹脹

傷寒腹脹之症。惡寒發熱。自汗口渴。小便不利。小腹脹滿。此熱結膀胱腹脹之症。若裏熱不惡寒。自汗不大便。煩滿燥實。此陽明胃實腹脹之症。若腹脹

硬痛。小便自利。大便或黑。此畜血腹脹之症也。
傷寒腹脹之因。表邪不解。內傳太陽之本。則熱結膀胱。小便不利而腹脹。若表已解。腸胃有實熱。大便閉結。則腹亦脹。若血畜下焦。結硬小腹。則腹亦脹。凡此皆傷寒門腹脹也。

傷寒腹脹之脉。左尺沉數。膀胱結熱。右脉沉實。腸胃實熱。兩尺沉牢。乃是畜血。血結在陰。脉反乳瀉。

傷寒腹脹之治。熱邪入裏。腹脹滿。脉沉數。大便結。承氣湯選用。腹脹宜下。若寒熱者。大柴胡湯。若熱結膀胱。腹脹。小便不利者。仲景用五苓散。家秘用羌

活木通湯。調六一散。若腹脹小便利。大便黑。桃仁

承氣湯。

承氣湯

大柴胡湯。上二方見傷寒

羌活木通湯。見後不得卧

五苓散

白朮 茯苓 猪苓 澤瀉 肉桂

桃仁承氣湯。見後血鼓脹

○風濕脹

風濕腹脹之症。發熱身重。不能轉側。一身盡痛。心腹

脹滿。外連頭面。此風濕腹脹之症也。

風濕腹脹之因。或居處卑濕。或冒濕衝風。脾胃受傷。中州痞塞。而腹脹之症作矣。

風濕腹脹之脉。脉多浮濡。或見浮緩。或見弦長。或見

浮濇。

風濕腹脹之治。胸前飽悶。防風平胃散。身熱惡風。羌獨敗毒散。荆芥湯。下身重滯。五苓散。內外皆熱。用防風木通湯。此上下分消法也。

防風平胃散

蒼朮

厚朴

廣皮

甘草

加防風

下部脹加防已

羌活敗毒散 見後濕痿

荊芥湯 不見後濕熱腹脹

五苓散 卽四苓散加桂 身發熱加防風

防風木通湯 治風濕神効

防風 木通

○濕熱脹

濕熱腹脹之症。面目黃腫。小便赤澀。大便或結。或泄黃糜。或日晡潮熱。煩渴口苦。口甘。口淡。腹脹脇痛。此濕熱腹脹之症也。

濕熱腹脹之因。濕熱之邪。感入腸胃。不得外泄。濕淫太過。痞塞不通。則腹脹之症作矣。

濕熱腹脹之脈。脈浮而濡。跌陽反數。或見浮大。或見沉滑。或見促結。甚則反伏。

濕熱腹脹之治。面黃目黃。脇痛心苦。肝胆有火。龍胆瀉肝湯。小便赤澀。木通六一散。二便皆濇。八正散。大便黃糜。家秘瀉黃散。日晡潮熱。大柴胡湯。煩渴口淡。乾葛石羔湯。口苦清胆火。口甘清脾火。口淡清胃火。口鹹清腎火。身熱脈浮。應汗者。宜辛涼散表。荆芥湯汗之。

龍胆瀉肝湯 見前脾熱腫

六一散 木通湯冲服

八正散

瞿麥 扁蓄 滑石 甘草 山梔 車前子

木通 大黃

家秘瀉黃散

蒼朮 厚朴 廣皮 甘草 枳殼 川黃連

酒客加乾葛 腹痛加大黃 小水赤加木通滑

石 陽明熱加乾葛 寒熱加柴胡 虛加人參

大柴胡湯

卽小柴胡去人參加大黃

乾葛石羔湯

乾葛 知母 石羔 甘草

腹皮熱。加地骨皮川黃連。

荆芥湯 治表有濕熱。腹脹身大。

荆芥 防風 薄荷 地膚子

○寒濕脹

寒濕腹脹之症。身重不溫。手足厥冷。腹脹無汗。此寒濕腹脹之症也。

寒濕腹脹之因。春時應溫而反寒。夏時應熱而反涼。

兼之天冷陰雨。或坐卧卑濕。寒濕襲於腠理。壅閉
脉絡。而腹爲之脹矣。

寒濕腹脹之脉。寸脉沉遲。沉則爲水。遲則爲寒。若見
弦緊。弦則善脹。緊則惡寒。

寒濕腹脹之治。身重身冷無汗。甘草麻桂湯。麻桂朮
甘湯。下身重多汗。防已茯苓湯。寒濕內伏。朮附湯。
中氣弱。理中湯。溫中氣而散寒濕。

甘草麻桂湯

甘草 麻黃 桂枝

麻桂朮甘湯

麻黃 桂枝 白朮 甘草

家秘白朮易蒼朮

防已茯苓湯 治裏水腰下重。

防已 黃芪 桂枝 茯苓 甘草

朮附湯 溫經散濕。此方獨勝。

白朮 熟附子

理中湯 見前脾虛腫

內傷腹脹

氣結	脾實	氣散	肝火	肺虛	脾虛
虫積	痰飲	血臌	六腑	肺熱	食積
臟寒					

○氣結脹

左因承台 卷三 腫脹 左寧堂

氣結腹脹之症。胸腹凝結作脹。脹而不休。或胸前飽悶。或小腹脹急。此氣結作脹之症也。

氣結腹脹之因。或因惱怒傷肝。肝氣怫鬱。或因思慮傷脾。脾氣鬱結。鬱怒思慮。則氣血凝結。而腹脹之症作矣。

氣結腹脹之脉。多見沉澹。或見沉弦。或見沉伏。脉經云。下手脉沉。便知是氣。

氣結腹脹之治。攻冲刺痛。四七湯。寒凝結脹。厚朴湯。胸前飽悶。枳桔平胃散。小腹脹急。青皮散。小便澀滯。木通飲。

四七湯 治七情氣結。

半夏 蘇葉 厚朴 白茯苓 加生姜紅棗

厚朴湯

厚朴 陳皮 甘草 乾姜 白茯苓

枳桔平胃散

枳殼 桔梗 蒼朮 廣皮 甘草 厚朴

青皮散

青皮 大腹皮 二味全煎

木通飲 治脇肋刺痛膨脹

木通 陳皮 蘇梗 甘草 加生姜紅棗

定國承台 卷三 腫脹 三 文匯堂

○氣散脹

氣散腹脹之症。時脹時退。氣怯言微。目慢神清。靜則稍減。動作脹急。此氣散作脹之症也。

氣散腹脹之因。或勞動太過。中氣受傷。或久病纏綿。元氣受損。肺不能通調。脾不能轉輸。腎不能閉藏。則真氣散。而腹脹之症作矣。

氣散腹脹之脉。六脉無力。虛大無根。浮緩散慢。神離反疾。

氣散腹脹之治。氣怯言微。生脉散。動作脹急。靜則稍減。戊己湯。加斂氣之藥。氣不歸原。都氣丸。納氣丸。

氣虛極。以四君子湯參橘煎送下。

生脉散 生津液。充血脉。助元歛神。

人參 麥冬 北五味

戊己湯 伐肝扶脾。調斂中州。故名戊己。

白芍藥 甘草

都氣丸 卽六味地黃丸加北五味

納氣丸 卽六味地黃丸加益智仁

四君子湯 見後脾虛脹

參橘煎 見喘症條

○肺虛脹

肺虛腹脹之症。面色慘白。氣弱不振。時脹時退。二便清利。此肺經陽虛之症。若肌肉消瘦。咳嗽面紅。多汗骨蒸。此肺經陰虛之症。二者皆名肺虛腹脹症也。

肺虛腹脹之因。肺陽不足。治節無權。肺陰虧損。清肅不行。肺爲相傳。主宰一身。肺氣若虛。諸經皆結。而腹脹之症作矣。

肺虛腹脹之脈。寸口脈微。或見濡軟。或見沉細。或見沉瀆。甚則沉結。

肺虛腹脹之治。肺陽不足。脈緩濡軟。四君子湯。補中

益氣湯。肺陰不足。脈虛細數。人參固本丸。生脈散。
肺虛氣壅。難用補劑。人參平肺散。

四君子湯。保肺益氣補土生金。

人參 白朮 茯苓 甘草

補中益氣湯 見前

人參固本丸 見前 肺虛腫門

生脈散 見前 氣散腹脹

人參平肺散 見後 肺痺

○肺熱脹

肺熱腹脹之症。喘息倚肩。不得仰卧。煩悶咳逆。腹脹

胸痛常脹不退。此肺熱腹脹之症也。

肺熱腹脹之因。或肺素有熱。又因膏粱厚味。酒濕辛辣之積熱。上蒸清道。肺熱焦滿。而腹脹之症作矣。肺熱腹脹之脈。右寸洪大。肺經有熱。右關上溢。胃火薰蒸。左寸洪數。心火刑金。左關弦數。木中火發。

肺熱腹脹之治。喘息倚肩。不得仰臥。煩悶咳逆。亭歷瀉肺湯。合瀉白散。胃火薰蒸。腹脹作痛。大便結者。枳桔大黃湯。心火刑金。瀉心各半湯。木中火發。瀉青各半湯。以上三方。家秘法也。

葶蘆瀉肺湯

葶藶子

大棗

瀉白散

桑白皮

地骨皮

甘草

枳桔大黃湯

家秘治腸熱腸結。諸腹脹大。

枳實

桔梗

大黃

大腹皮

桑白皮

廣皮

甘草

瀉心各半湯

家秘治心火刑金。

川黃連

甘草

桑白皮

地骨皮

瀉青各半湯

家秘治肝火刑金。

胆草

黃芩

青黛

甘草

桑白皮

地骨皮

○脾虛脹

脾虛腹脹之症。食少身倦。脾虛不運。二便清利。言語輕微。心腹時脹時退。朝寬暮急。此脾虛腹脹之症也。

脾虛腹脹之因。脾氣素虛。飲食難化。強食過飽。凝積腸胃。榮衛稽留。則脾虛腹脹之症作矣。

脾虛腹脹之脉。或見虛軟。或見空大。或見細微。或見弦急。兩手雙弦。木乘土位。

脾虛腹脹之治。脾氣不實者。參苓白朮散。言語輕微者。四君子湯。心腹時脹。飲食難消者。加減枳朮丸。

參苓白朮散

人參 白朮 廣皮 白茯苓 白扁豆

甘草 澤瀉 蓮肉

四君子湯

人參 白朮 茯苓 炙甘草

加減枳朮丸

白朮 枳實 人參 廣皮 甘草 熟砂仁

白茯苓

○脾實脹

脾實腹脹之症。眼目黃腫。夜不得卧。肚腹時熱。小便

症因脈治

三腫脹

三

文

赤色。大便或結或瀉。或時作痛。瀉下黃沫。肛門熱痛。此脾實腹脹之症也。

脾實腹脹之因。膏粱積熱。濕熱之氣。聚於脾中而不散。濕熱傷脾。不得轉輸。傳道之令不行。中州之官失職。諸經凝窒。而脾實腹脹之症成矣。

脾實腹脹之脈。右脈滑大。或見洪數。或見沉實。或見洪長。或見沉急。

脾實腹脹之治。眼目黃腫。龍胆瀉肝湯。肚腹時熱。川連戊己湯。川連枳殼湯。小便赤色。導赤各半湯。瀉下黃沫。家秘瀉黃散。肛門熱。川連只壳湯。加黃栢。

槐米。胸前滿悶。梔連二陳湯。梔連平胃散。加枳實以消痞滿。

龍胆瀉肝湯 見前肺熱腫

川連戊己湯

白芍藥 甘草 川黃連

川連枳殼湯

川連 枳殼 木通 甘草 大腹皮 地骨皮

導赤各半湯

黃芩 黃連 甘草 犀角 麥冬 滑石

梔子 茯苓 知母 人參

症因脈治 卷三 腫脹 文寧堂

家秘瀉黃散

川連 枳殼 蒼朮 厚朴 廣皮 甘草

梔連二陳湯 卽二陳湯加山梔黃連

梔連平胃散 卽平胃散加山梔黃連

○肝火脹

肝火腹脹之症。目睛黃。兩脇痛。小腹脹急。或攻刺作痛。或左邊脹甚。小便赤。夜不得寐。此肝火腹脹之症也。

肝火腹脹之因。或惱怒傷肝。肝氣怫鬱。或浩飲酒傷。熱聚於胆。木火乘脾。則膈塞不利。而腹脹之症作。

矣

肝火腹脹之脉。左關弦數。或見沉弦。或見沉數。或見促止。或見糲糊。沉細弦數。肝家之火。浮大弦數。胆經之熱。

肝火腹脹之治。輕者清肝飲。未應。瀉肝湯。或左金丸。

清肝飲

柴胡

黃芩

山梔

連翹

桔梗

川芎

甘草

龍胆瀉肝湯

胆草

柴胡

黃芩

山梔

連翹

知母

症因脉治

卷三

腫脹

三

文寧堂

麥冬 川連 人參 甘草

左金丸

川黃連 吳茱萸

二味全浸炒去吳茱萸用川連丸服

○肝腎虛脹

肝腎虛脹之症。腰軟作痛。痛連季脇。小便常澇。氣怯消瘦。小腹脹冷。內經所云石水。此肝腎經虛脹之症也。

肝腎虛脹之因。真元不足。斲削太過。若腎之真陽虛。則開闔之關不利。腎之真陰虛。則封閉之司失權。

若肝經虛損。則施泄之令不行。是以二便不得分曉。而腹脹之症作矣。

肝腎虛脹之脉。左關細小。肝經不足。左尺細小。腎經不足。若見沉遲。真陽不足。若見細數。真陰不足。

肝腎虛脹之治。腰軟常痛。大造丸主之。溶化龜鹿二

仙膠爲丸。小便常濇。小腹脹冷。金匱腎氣丸主之。

若真陰虛。脉數內熱者。家秘肝腎丸。

大造丸

懷熟地 甘枸杞 兔絲子 厚杜仲 山藥

白茯苓 紫河車

金匱腎氣丸 卽熱八味丸加車前子川牛膝

家秘肝腎丸 見前肝腎虛腫

○食積脹

食積腹脹之症。肚腹脹急。按之實痛。或一條扛起。或見壘壘小塊。或痛而欲利。利後稍減。此食積腹脹之症也。

食積腹脹之因。嗜食不謹。胃強能納。脾弱不消。停滯脾胃之間。則食積腹脹之症作矣。

食積腹脹之脉。右關多滑。或見沉實。或見滑動。或見弦急。

食積腹脹之治。肚腹脹急。按之實痛。枳實散。一條托起。痛而欲利。利後稍減者。枳朴大黃湯。

枳實散

陳枳實 萊菔子 麥芽 山查肉

枳朴大黃湯

陳枳實 厚朴 廣皮 甘草 大黃

○虫積脹

虫積腹脹之症。肚大青筋。腹皮脹急。反能飲食。或面見白癍黑點。或喜食一物。或腹起塊扛。大便偶見長虫。此虫積腹脹之症也。

虫積腹脹之因。脾氣不足。強食傷脾。不能磨化。停積於中。濕熱生虫。而腹脹之症作矣。

虫積腹脹之脉。乍大乍小。乍數乍遲。或見沉滑。或見沉實。或見弦急。或見沉弦。

虫積腹脹之治。追虫丸。萬應丸。史君子丸。有塊扛起。下虫積而愈。

追虫丸

黑丑 檳榔 雷丸 南木香

萬應丸

黑丑 大黃 檳榔 雷丸 南木香 沉香

使君子丸

使君子

蕪荑

鶴虱

檳榔

百部

苦楝根皮

○痰飲脹

痰飲腹脹之症。胸腹滿悶。怔忡喘急。短息倚肩。嘔惡痰涎。或腹中漉漉有聲。此痰飲腹脹之症也。

痰飲腹脹之因。胃強脾弱。多食難化。停滯爲痰。轉輸失職。則腹脹之症作矣。

痰飲腹脹之脉。脉多見弦。或見沉滑。或見沉弦。或見沉伏。或見偏弦。

痰飲腹脹之治。胸悶怔忡。痰飲也。小半夏湯。二陳湯。喘息倚肩。支飲也。葶藶瀉肺湯。嘔惡痰涎。平胃二陳湯。腹中漉漉有聲。導痰湯下之。

小半夏湯

熟半夏 生姜

二陳湯

熟半夏 白茯苓 廣皮 甘草

葶藶瀉肺湯

甜葶藶 大棗肉

平胃二陳湯

蒼朮 厚朴 廣皮 甘草 半夏 白茯苓

導痰湯 治痰涎壅盛胸膈痞塞。

熟半夏 枳實 橘紅 南星 茯苓 甘草

○血臃脹

血臃腹脹之症。腹脹不減。肚大紫筋。腿足或見血縷。小便反利。大便或黑。血在上則漱水多忘。血在下則小腹悶痛。此血臃腹脹之症也。

血臃腹脹之因。或因驚恐跌撲。或因惱怒悲哀。或因過食辛辣。血熱妄行。錯歸故道。停積於中。則血臃腹脹之症作矣。

血臑腹脹之脉。脉多見乳。或時見瀉。或見沉數。或見
細微。或見沉伏。或見牢實。

血臑腹脹之治。腹脹不減。紫筋血縷。在上者紅花桃
仁湯。在下者桃仁承氣湯。小腹硬痛者。兩方合用。
紅花桃仁湯。治上焦畜血。

紅花 桃仁 當歸 紅曲 查肉 丹皮

赤芍藥 澤蘭

胸痛。加鬱金甚。加葦汁。脇痛。加青皮甚。加枳殼。

桃仁承氣湯。治下焦畜血。

桃仁 桂枝 芒硝 甘草 大黃

○臟寒脹

臟寒腹脹之症。四肢常冷。小腹脹急。冷硬如冰。小便清利。大便時瀉。不思飲食。唇口色白。言語輕微。內經所云正水。卽臟寒生滿病之症也。

臟寒腹脹之因。真陽素虛。臟氣不足。又因口食冷物。身得寒氣。則身中之天地不交。陰寒痞塞。而臟寒腹脹之症作矣。

臟寒腹脹之脉。六脉沉遲。微細無力。左脉沉遲。肝腎虛寒。右脉沉遲。脾肺虛寒。

臟寒腹脹之治。肝腎虛寒。腹冷如冰。大便不實。八味

五因用清 卷三 三 仙年堂
丸。小便不利。金匱腎氣丸。脾肺虛。不思飲食。言語
輕微。理中湯。手足厥冷。四逆湯。

八味丸 卽六味地黃丸加肉桂附子

金匱腎氣丸 卽熱八味地黃丸加車前子牛膝

理中湯 見前脾虛腫

四逆湯

乾姜 甘草 附子

○六腑腹脹

胃脹 大腸脹 胆脹 三焦脹

小腸脹 膀胱脹

六腑腹脹之症。胸前脹滿。妨於飲食。胃脹也。腸鳴而
痛。濯濯有聲。大腸脹也。小便時赤。小腹脹滿。小腸

脹也。氣癢溺澁。少腹脹急。膀胱脹也。氣滿膚中。空然響。三焦脹也。脇肋作痛。口苦太息。胆脹也。此六腑腹脹之症也。

六腑腹脹之因。飲食不節。失飢傷飽。每成胃脹。中州停滯。成痰成積。肺氣不清。下遺大腸。則腹乃脹。心胃有熱。下遺小腸。則腹亦脹。肺氣怫鬱。不能下輸膀胱。則小腹脹。三焦主人身之氣。大氣週流。則無障礙。三焦壅滯。腹脹乃作。肝胆主木。最喜條達。不得疏通。胆脹乃成。此六腑腹脹之因也。

六腑腹脹之治。胃脹者。平胃散。加減治之。大腸脹者。

枳殼化滯湯。導痰湯。小腸脹者。木通飲。膀胱脹者。
五苓散。三焦脹者。枳殼青皮飲。胆脹者。柴胡清肝
飲。

平胃散

蒼朮 厚朴 廣皮 甘草

胃熱者加梔連 胃寒者加姜桂

枳殼化滯湯

枳殼 厚朴 神曲 廣皮 萊菔子 麥芽

砂仁 熱者加川連 便硬加大黃

導痰湯

南星 半夏 枳殼 橘紅 甘草

木通飲

木通 陳皮 蘇梗 甘草 加生姜紅棗

熱者加川連

五苓散

猪苓 澤瀉 白朮 白茯苓 肉桂

熱結膀胱。車前木通湯調下。氣化不及州都。參

橘煎調下。

枳殼青皮飲

枳殼 青皮 大腹皮 三味等分

上焦脹。加桔梗。中焦脹。加蘇梗。下焦脹。加木通。

柴胡清肝飲

柴胡 山梔 丹皮 青皮 蘇梗 白芍藥

藟藤

肝胆熱。加龍胆草。青黛。

家秘消脹散 治腸胃停滯諸腹脹大

半夏 厚朴 枳實 香附 麥芽 查肉

蒼朮 檳榔 廣皮 乾葛 神麩 萊菔子

共為細末。木通大腹皮各三錢煎湯調服

黃疸

秦子曰。黃疸者。身目皆黃色。如橘皮。濕氣勝。則黃而晦。熱氣勝。則黃而明。故爪甲皮膚。悉見黃色。卽是黃疸。若汗出染衣。色如檠汁。名曰黃汗。身腫者。入腫症門。身不腫者。入疸症門。其間治法大同。而從腫從疸。則各異也。

外感黃疸

黃汗

正黃疸

○黃汗

黃汗之症。眼白黃。面皮黃。汗出染衣。如黃栢汗。發熱而渴。狀如風水。身疼煩重。小便不利。此黃汗之症。

也。

黃汗之因。脾胃素熱。汗出逢風。或汗出入水。水漬汗孔。濕熱內蒸。熱氣外現。而成黃汗之症矣。

黃汗之脉。洪大者愈易。細濇者瘥難。

黃汗之治。金匱於水腫門。則立黃芪芍藥桂酒湯。以治身重發熱。兩脛自冷。脉自沉之症。又立桂枝加黃芪湯。以治身發熱。足脛熱。盜汗。汗出反發熱之症。又於黃疸門。亦立桂枝加黃芪湯。以治諸黃家脉浮當汗之症。詳具水腫門黃汗中。

黃芪芍藥桂酒湯 治身重發熱。汗出而渴。黃汗染

衣脉自沉。

黃芪 芍藥 桂枝

桂枝加黃芪湯

桂枝 芍藥 甘草 生姜 黃芪 大棗

○正黃疸

正黃疸之症。食已卽飢。徧身俱黃。小便或赤。或不利。增寒壯熱。身體如腫。此黃疸症也。

正黃疸之因。臟腑積熱。併于脾胃之間。外因風濕相搏。閉鬱腠理。濕熱薰蒸。會而成黃。則諸黃疸之症乃作。

正黃疸之脉。寸脉浮緩。緩則傷風。跌陽緊數。數則爲熱。緊則傷脾。尺脉本沉。浮則腎傷。陽明脉遲。遲則忌下。

正黃疸之治。假令脉浮。當以汗解。桂枝黃芪湯。若寒熱。胸滿。煩嘔。小柴胡湯。惡寒。身痛。表不解者。麻黃醇酒湯。若腹滿。小便不利。而赤。自汗出。此表解裏實熱。宜下。大黃硝石湯。茵陳湯。小便不利。加減五苓散。胸滿嘔吐。小半夏湯。黃結上焦者。權用瓜蒂散吐之。然不若吹鼻出黃水。

桂枝加黃芪湯 治黃疸脉浮。宜汗者。若腹滿。欲嘔。

吐懊懜。宜吐不宜汗。

桂枝 白芍 生姜 黃芪 甘草 大棗

右水煮溫服。須臾飲熱稀粥。以助藥力。取微汗。

小柴胡湯 見後瘦軟

麻黃醇酒湯

用麻黃冬月酒煮春月水煮

大黃硝石湯

大黃 黃蘗 硝石 梔子

茵陳大黃湯

茵陳 大黃 梔子

小半夏湯

半夏 廣皮 加姜煎

茵陳五苓散 卽五苓散加茵陳

內傷黃疸

穀疸 酒疸 女勞疸 陰黃

○穀疸

穀疸之症。食穀頭眩。心中怫鬱。胃中苦濁。小便不通。徧身俱黃。此穀疸之症也。

穀疸之因。脾胃有傷。不能運化水穀。穀氣不消。胃中苦濁。濁氣下流。小便不利。濕熱內甚。則身體發黃。而穀疸成矣。

穀疸之脉。趺陽緊數。數則爲熱。緊卽爲寒。陽明脉遲。食難用飽。滑大者易治。弦緊者難痊。

穀疸之治。脉遲者不可下。茵陳湯治之。胃熱血燥者。用猪膏髮煎。潤燥下利。能泄陽明之陰。以洩穀氣之實。今推廣茵陳平胃散。泄陽明之陽。以洩穀氣之實。

茵陳湯

茵陳蒿 梔子 大黃

右三味去滓。溫作三服。小便利如皂角汁。色黃從小便出也。

猪膏髮煎 泄陽明之陰。

猪膏

亂髮

雞子大三塊

右二味煎至髮消藥成膏。病從小便出。以上金匱

治法。

茵陳平胃散 泄陽明之陽。

熟蒼朮

厚朴

廣皮

山梔

茵陳

淡豆豉

○酒疸

酒疸之症。身目俱黃。心熱足熱。懊懣時時欲吐。小便赤。腹滿。鼻燥。胸中熱痛。下之。久久爲黑疸。目青面黑。心中如噉蒜狀。大便黑。皮膚不仁。此皆酒疸之

症。

酒疸之因。其人以酒爲事。或飢時浩飲。大醉當風。入水。兼以膏粱積熱。互相蒸釀。則酒疸之症成矣。

酒疸之脉。其脉浮弱。或見洪大。或見浮數。或見沉數。酒疸之治。心中熱。欲嘔者。吐之。或無熱。神清腹滿。欲吐。先吐之。脉沉者。先下之。酒疸。心懊懺。或熱痛。金匱梔子大黃湯。今推廣身發熱。口渴者。葛根湯治之。作嘔。合平胃散。小便澁。加減五苓散。

金匱梔子大黃湯 治酒疸。心中懊懺。發熱。

梔子 大黃 枳實 豆豉

推廣乾葛湯

乾葛

山梔

豆豉

枳實

甘草

平胃散

見前

加減五苓散

猪苓

澤瀉

白茯苓

白朮

茵陳

○女勞疸

女勞疸之症。發熱惡寒。膀胱急。小腹滿。身黃額黑。足心熱。大便或黑或溏。腹脹如水。此女勞疸之症。

女勞疸之因。其人必數醉入房。熱氣聚於脾中。不得散。腎氣日衰。夫醉飽入內。脾腎交傷。陰精耗而陽

火丸則女勞疸之症作矣。

女勞疸之脈。尺脈沉澹。陰精內竭。右關弦數。熱聚脾中。尺弱關實。脾腎交傷。

女勞疸之治。腹脹如水狀。大便黑。血不行也。仲景硝礬散主之。愈後以兔絲子丸調理。

硝礬散

硝石

即芒硝

礬石

二味等分爲散

小兒絲子丸

兔絲子

煮打爲丸

石蓮肉

白茯苓

山藥

○陰黃

陰黃之症。身無熱。手足冷。大便滑。小便清白。黃不鮮明。飲食不進。口不煩渴。此陰黃之症也。

陰黃之因。或熱病後。過用寒涼。或真陽素虛。太陰陰寒凝結。脾腎交傷。則陰黃之症成矣。

陰黃之脉。多見沉遲。或見沉細。或見微弱。或見空大。陰黃之治。茵陳四逆湯。茵陳橘皮湯。八味丸。今余推廣理中湯。治大便滑。飲食不進。

茵陳四逆湯

茵陳 炮姜 附子 甘草

茵陳橘皮湯 治身黃脉沉細。身熱手足寒。

茵陳 橘皮 生姜 白朮 半夏 茯苓

八味丸 見前臟寒脹

理中湯 見前脾虛腫

家秘保和散

半夏 熟蒼朮 厚朴 香附 神麩 麥芽

乾葛 白荳蔻 廣皮 連翹 萊菔子

加茵陳山梔名茵陳保和散

按陰黃陰症也。以其色黃而混名之。若疸症。皆生於熱。胆火居多。是以清胆火為正治。然脾胃成疸者。比此。故治疸而用清熱。人人知之也。脾胃之積滯成疸。

癩因用... 卷三
一
保和散。以治積滯之穀疸。又立茵陳保和丸。以治積
熱之穀疸。夫疸症要分熱而無滯。熱而有滯。無滯者。
止須清熱。有滯者。必要消散停滯。則熱自解。此法不
獨治疸。凡治積熱停滯之真訣也。

茵刺... 白木... 半良... 蘇...
茵刺... 白木... 半良... 蘇...

三消摠論

秦子曰。消者。消化失常之謂也。其症隨飲而隨渴。隨食而隨飢。隨溺而隨便。渴而數飲者。爲上消。食過卽飢者。爲中消。時便膏瀝者。爲下消。今列外感二條。內傷二條。

外感三消

燥火
濕火

○燥火三消

燥火三消之症。卽風消也。多飲渴不止。唇口乾裂。煩躁不寧。此燥火傷於肺。卽上消症也。多食易飢。不爲肌肉。此燥火傷於胃。卽中消症也。小便頻數。淋

瀝如膏如油。此燥火傷於小腸膀胱。卽下消之症也。

燥火三消之因。或赫羲之年。燥氣從令。或乾旱之歲。燥火行權。或秋令之月。燥氣太過。燥火傷人。上則煩渴引飲。中則消穀易飢。下則小便頻數。燥萬物者。莫燥乎火。而三消之症作矣。

燥火三消之脈。寸脈浮數。燥傷於上。關脈洪數。燥傷於中。尺脈沉數。燥傷於下。燥傷於氣。脈見大數。燥傷於血。脈見細數。

燥火三消之治。清燥爲先。煩渴引飲。家秘用知母石

羔湯加乾葛多食易飢人參白虎湯小便頻數淋瀝如膏益元散導赤各半湯

知母石膏湯

知母 石膏 葛根 甘草

人參白虎湯 卽前方加人參

益元散

滑石 甘草 共爲細末人參湯下

導赤各半湯 見後濕熱消

○濕火三消

濕火三消之症煩渴引飲咳嗽面腫此濕熱傷肺卽

上消症也。面黃身腫。消穀易飢。此濕熱傷胃。卽中消症也。小便頻數。如膏如油。或如米泔。其味反鹹。爲甘。此濕熱傷於小腸膀胱。卽下消症也。

濕火三消之因。酒濕水飲之熱。積於其內。時行濕熱之氣。蒸於其外。內外合受。鬱久成熱。濕熱轉燥。則三消乃作矣。

濕火三消之脈。多見數大。寸大上消。關大中消。尺大下消。三部皆大。三消之脈也。

濕火三消之治。宜流濕潤燥。清肺飲。治上消也。加味清胃湯。治中消也。導赤各半湯。益元散。治下消也。

清肺飲 卽甘露飲子

石羔 桔梗 山梔 知母 連翹 川黃連

甘草 麥冬 杏仁 加枇杷葉

加味清胃湯

川連 升麻 丹皮 山梔 甘草 乾葛

導赤各半湯

木通 生地 甘草 川黃連 麥門冬

內傷三消 積熱 精虛

○積熱三消

積熱三消之症。煩渴引飲。口臭消渴。上消症也。煩熱

多食。食下卽飢。中消症也。小便頻數。如膏如油。足
心下部常熱。下消症也。

積熱三消之因。膏粱厚味。時積于中。積濕成熱。薰於
肺則成上消。傷於胃則成中消。流於下則成下消。
積熱三消之脈。胃脈上朝於寸口。肺消也。氣口滑大。
胃消也。尺脈洪大。下消也。右脈數大。腸胃積熱。左
脈數大。肝胆積熱。

積熱三消之治。煩渴引飲。清肺飲。口臭易飢。清胃湯。
加乾葛。如肺胃積熱。下流膀胱。八正散。若肝胆之
熱下流。龍胆瀉肝丸。若腎之相火下流。而成下消。

涼八味丸。文蛤散。

清肺飲

清胃湯 上二方見前條

八正散 見前腹脹門

龍胆瀉肝丸 見前肝火脹

涼八味丸 卽六味丸加黃栢知母

文蛤散

文蛤 杵細滾湯調服

○精虛三消

精虛三消之症。口乾消渴。飲水不多。氣怯喘咳。上消

症也。時食時飢。飢不欲食。中消症也。小便頻數。牽引作痛。如瀝如膏。下消症也。

精虛三消之因。或悲哀傷肺。煎熬真陰。或思慮傷脾。脾陰傷損。或房勞傷腎。精日耗而虧損。此精虛三消之因也。

精虛三消之脈。右寸細數。肺燥液乾。右關細數。脾經陰損。兩尺細數。腎肝失精。

精虛三消之治。生脈散。人參固本丸。治上消也。地黃膏。瓊玉膏。治中消也。三才封髓丹。治下消也。先見小便過多。隨乃多渴。此真陽失守。下洩無度。上不

能蒸動生津。金匱八味丸主之。

生脈散

人參 揀冬 北五味

人參固本丸

人參 懷生地 懷熟地 天門冬 麥門冬

地黃膏

生地 當歸 丹皮 白芍藥 甘枸杞

知母 人參 甘草 地骨皮

瓊玉膏

人參 白蜜 生地黃 白茯苓

三才封髓丹 見後腎痺

八味丸 見前臍寒脹

內經有風消之句。消必兼風言之也。厥陰傳變二陽。則成三消。然消症多飢。仲景云飢不欲食。則知消症亦有不欲食者。故能食而渴。全重二陽。飲一溲一。全重少陰。飢不欲食。氣上冲心。則主厥陰矣。河澗云。消渴之症。陰精極衰。燥熱太過。治宜補腎水。瀉心火。潤腸胃之燥熱。濟身中津液。使道路不結。津液不枯。氣血不澁。則病自已。

不得卧

秦子曰。不得卧之症。諸經皆有。主熱者多。在外感門。有表熱。裏熱。半表半裏熱。有氣分熱。血分熱。有餘熱未盡。汗下大過。諸條。在雜症門。則裏熱多而無表熱者也。今註外感者七條。內傷者六條。

外感不得卧

表熱 裏熱 半表半裏熱 氣分熱 血分熱 餘熱未盡

汗下太過

○表熱不得卧

表熱不得卧之症。發熱身痛。無汗煩熱。不得卧。太陽經表熱症也。目痛鼻乾。身大熱不得卧。陽明經表

熱症也。時寒時熱。寒熱往來。不得卧。少陽經表熱症也。

表熱不得卧之因。風寒傷於太陽。鬱而發熱。則煩熱不得卧。風寒傷於陽明。鬱而發熱。則煩躁不得卧。風寒傷於少陽。鬱而發熱。則懊憹不得卧。

表熱不得卧之脉。人迎浮緊。太陽表熱。右關洪長。陽明表熱。左關浮弦。少陽表熱。

表熱不得卧之治。太陽表熱。不得卧而無汗者。冬月。北方人麻桂湯。南方人羌活湯。陽明表熱不得卧。乾葛升麻湯。少陽表熱不得卧。小柴胡湯。

麻桂湯

羌活湯

乾葛升麻湯

小柴胡湯 上四方俱見傷寒門

○裏熱不得卧

裏熱不得卧之症。身熱汗出。渴而引飲。小便不利。太

陽經裏熱也。煩渴消水。口燥唇焦。大便堅結。陽明

經裏熱也。寒熱口苦。脇痛乾嘔。少陽經裏熱也。

裏熱不得卧之因。太陽失用解表。則傳膀胱之本。陽

明失用解表。則傳陽明之裏。少陽失用解表。則傳

少陽之裏邪熱傳裏則煩躁不得卧矣。

裏熱不得卧之脉左尺沉數太陽裏熱右關沉數陽

明裏熱左關弦數少陽裏熱。

裏熱不得卧之治大陽裏熱冬月五苓散家秘用木

裏通羌活湯陽明裏熱白虎湯有下症者承氣湯下

之少陽裏熱家秘黃芩湯。

五苓散

猪苓 澤瀉 白朮 肉桂 白茯苓

白虎湯

知母 石膏 粳米 甘草

承氣湯

枳殼 厚朴 大黃

家秘木通羌活湯

木通 桔梗 羌活 荆芥

家秘黃芩湯

黃芩 山梔 柴胡 甘草

○半表半裏熱不得卧

半表半裏不得卧之症。太陽病二三日不得卧。心下

閉結。汗吐下後。反覆顛倒。心中懊懣者。太陽經半

表半裏熱也。咽燥口乾。發熱汗出。煩躁不眠。陽明

經半表半裏熱也。往來寒熱。胸脇苦滿。心煩喜嘔。不得眠。少陽經半表半裏熱也。

半表半裏不得卧之因。表邪傳裏。裏不受邪。邪搏心胸。半表半裏之間。懊憹煩嘔。則不得卧矣。

半表半裏不得卧之脉。左關數大。下連乎尺。太陽半表半裏也。左關獨弦。少陽半表半裏也。右關獨大。浮沉皆得。陽明半表半裏也。

半表半裏不得卧之治。太陽者。羌活冲和湯。少陽者。小柴胡湯。合梔子豆豉湯。陽明者。竹葉石膏湯。合知母葛根湯。

羌活冲和湯

小柴胡湯

梔子豆豉湯

竹葉石羔湯

知母葛根湯

上五方見傷寒門

○血熱不得卧

血熱不得卧之症。晝則了了。夜則發熱。睡中盜汗。心煩驚起。此血伏邪熱之症也。

血熱不得卧之因。陽邪陷入血分。則陰被陽乘。正所謂血中伏火。陰分不寧。是以有不得卧之症。

血熱不得卧之脉。脉多沉數。左關沉數。少陽血熱。左

尺沉數。太陽血熱。右關沉數。陽明血熱。

血熱不得卧之治。清陰中伏火。丹溪有知栝四物湯。

左尺沉數。加羌活獨活。左關沉數。加柴胡山梔。右

關沉數。加升麻葛根。睡中盜汗。時時驚醒。當歸六

黃湯。

知栝四物湯 卽四物加黃栝知母

當歸六黃湯

當歸 黃連 黃芩 黃栝 黃芪 生地黃

熟地黃

○氣熱不得卧

氣熱不得卧之症。晝則發熱。夜則身涼。是陽氣傷於陽分而不得卧也。晝則發熱煩躁。夜亦發熱煩躁。是氣受邪熱。重陽無陰而不得卧也。

氣熱不得卧之因。春溫夏熱。陽火熾盛。氣分受邪。則發熱悶亂。煩燥不寧。而不得卧之症乃作。

氣熱不得卧之脉。脉多浮數。左脉浮數。太陽有熱。左關弦數。少陽有熱。氣口浮數。陽明有熱。

氣熱不得卧之治。左脉浮數。羌活敗毒散。加黃栢知母。左關數大。柴胡飲子。右關洪數。白虎湯。骨節煩

症因脈治
卷三
五
餘症
熱地骨皮散。

羌活散 卽敗毒散加黃栢知母

柴胡引子

柴胡 黃芩 廣皮 人參 甘草 大黃

白虎湯 見中熱門

地骨皮散

地骨皮 柴胡 知母 黃芩 人參 甘草

○餘熱不得卧

餘熱不得卧之症。表汗已出。表邪已退。身不發熱。但睡中盜汗。小便色黃。夜多煩躁。口苦舌乾。不得安

睡。此餘熱未盡。不得卧之症也。其病時。或出汗未徹。邪留經絡。或
餘熱不得卧之因。熱病時。或出汗未徹。邪留經絡。或
熱氣未除。得穀太早。補其邪熱。則生煩躁。而夜不
得安卧矣。

餘熱不得卧之脉。多見細數。或見沉數。左尺數者。太
陽餘熱。左關數者。少陽餘熱。右關數者。陽明餘熱。
餘熱不得卧之治。太陽餘熱。五苓散。木通羌活湯下。
少陽有熱。梔子柴胡湯。陽明有熱。竹葉石膏湯。太
陽餘熱。五苓散。木通羌活湯調下。

五苓散

見前裏熱不得卧

木通羌活湯 見前裏熱不得卧

梔子柴胡湯

山梔 柴胡 黃芩 竹茹 知母 甘草

竹葉石羔湯

知母 石羔 竹葉 甘草

○虛煩不得卧

虛煩不得卧之症。身表已涼。口雖作渴。不能消水。二便清利。神氣嬾怯。時時欲睡。時時驚醒。此虛煩不得卧之症也。

虛煩不得卧之因。或發汗太過。亡其津液。或誤下傷。

裏中氣受傷。或妄用吐法。重傷上焦氤氳之氣。凡此皆能致虛煩不得卧也。

虛煩不得卧之脉。脉多虛軟。或見虛澹。若見空大。中氣衰極。若見細數。精血已竭。若見遲緩。真陽不足。虛煩不得卧之治。脉見空大者。補中益氣湯。加黃栢。知母。脉見細數者。生脉散。合涼天煎。真陽不足。心神失守者。棗仁遠志湯。甚則八味腎氣丸。

補中益氣湯

人參 白朮 當歸 黃芪 廣皮 甘草

升麻 柴胡

生脉散 見腫脹三消

涼天地煎 見後痿症

棗仁遠志湯

棗仁 遠志 當歸 白茯苓 白芍藥

麥冬 龍眼肉

八味腎氣丸 見前臟寒脹

內傷不得卧

肝火 胆火 肺壅 胃不和
心血虛 心氣虛

○肝火不得卧

肝火不得卧之症。脅肋時脹。夜卧常驚。口渴多飲。腹大如懷。小腹季脇。牽引作痛。痛連陰器。此肝火不

得卧也。

肝火不得卧之因。或因惱怒傷肝。肝氣拂鬱。或盡力謀慮。肝血有傷。肝主藏血。陽火擾動血室。則夜卧不寧矣。

肝火不得卧之脉。左關獨大。或見弦數。或見弦滑。寸關洪大。木火通明。寸關沉數。木燥火生。關大連尺。龍雷火升。

肝火不得卧之治。惱怒傷肝。肝火拂逆。疎肝散。謀慮傷肝者。四物湯。加山梔川連。木燥火生者。龍胆瀉肝湯。左尺脉大。家秘肝腎丸。

疎肝散

柴胡

蘇梗

青皮

鈎藤

山梔

白芍藥

廣皮

甘草

龍胆瀉肝湯

見前肝火脹

梔連四物湯

卽四物湯加山梔黃連

家秘肝腎丸

見前肝腎虛腫門

○胆火不得卧

胆火不得卧之症。膈寒不利。脅肋脹滿。胆火乘脾也。

心煩躁亂。恍惚不寧。胆涎沃心也。甚則目黃目赤。

夜不能寐。此胆火不得卧之症也。

胆火不得卧之因。或因肝胆怫鬱。木不條達。或酒食不節。濕熱聚於胆家。或惱怒傷肝。胆氣上逆。煨煉胃汁。成痰成飲。則夜不得卧矣。

胆火不得卧之脉。右關弦大。胆火乘脾。左關弦數。胆火不寧。寸關弦滑。胆涎沃心。

胆火不得卧之治。胆火乘脾者。清胆竹茹湯。左關獨大。龍胆瀉肝湯。加胆星。胆涎沃心者。胆星湯。合瀉心湯。牛黃清心丸。

清胆竹茹湯

柴胡 黃芩 半夏 陳皮 甘草 竹茹

龍胆瀉肝湯 見前肝火脹

胆星湯

陳胆星 橘紅 蘇子 鈎藤 石菖蒲 甘草

瀉心湯 見前肺熱腫門

牛黃清心丸

真牛黃 犀角 羚羊角 辰砂 陳胆星

天竺黃 射香 薄荷葉 雄黃 防風 冰片

○肺壅不得卧

肺壅不得卧之症。喘咳氣逆。時吐痰涎。右脅欹盆。牽引作痛。甚則喘息倚肩卧下氣逆。此肺壅不得卧

之症也。

肺壅不得卧之因。或肺素有熱。金被火刑。或肺家有痰。肺氣閉塞。或肺燥液乾。肺熱焦滿。或肺家有寒。肺氣不利。凡此皆成肺壅不得卧之症也。

肺壅不得卧之脉。右寸數大。金被火刑。若見沉滑。肺痰內停。寸口細數。肺液乾枯。寸脉沉遲。肺受寒凝。肺壅不得卧之治。肺素有熱者。家秘瀉白散。痰壅肺竅者。蘇子杏子湯。加半夏瓜蒌仁。肺燥液乾者。家秘潤肺飲。肺有寒者。家秘溫肺湯。

家秘瀉白散

桑白皮 地骨皮 甘草 黃芩 山梔

川黃連

蘇子杏子湯

蘇子 杏仁 半夏 瓜蒌仁 枳殼 桔梗

家秘潤肺飲

米仁 百合 杏仁 人參 天門冬 麥冬

知母 五味子

家秘溫肺湯

款冬花 生姜 廣皮 百部 蘇子 桔梗

○胃不和卧不安

胃不和不得卧之症。胸前滿悶。不思飲食。噯氣吞酸。惡心嘔吐。或頭眩眼黑。睡則氣逆。此胃不和卧不安之症也。

胃不和不得卧之因。胃強多食。脾弱不能運化。停滯胃家。成飲成痰。中脘之氣。窒塞不舒。陽明之脉。逆而不下。而不得卧之症作矣。

胃不和不得卧之脉。右關滑大。痰多火少。滑而若數。火痰相兼。滑大沉實。胃中食滯。

胃不和不得卧之治。右關滑大不數。二陳平胃散。加石菖蒲海石最佳。滑大數實。二陳平胃散加梔連。

若大便堅結。導痰湯。胃脘作痛者。方可用滾痰丸
下之。甚則小胃丹。但不可多服。

二陳平胃散 卽二陳湯合平胃散

導痰湯

胆星 橘紅 半夏 枳殼 甘草 白茯苓

滾痰丸

青礞石 大黃 黃芩 沉香

小胃丹

芫花 甘遂 大戟 大黃 黃柏

右照原方合服

○心血虛不得卧。伏而身熱。不寐。心煩躁亂。夜卧驚起。口燥舌乾。五心煩熱。此心血不足。心火太旺之症也。

心血虛不得卧之因。曲運神機。心血耗盡。陽火旺於陰中。則神明內擾。而心神不寧。不得卧之症作矣。心血虛不得卧之脉。左寸細數。沉按多疾。若見鈞洪。天心火旺極。肝脉若數。木火通明。尺脉若數。水竭火盛。

心血虛不得卧之治。陰虛則陽必旺。故心血不足。皆是火症。宜壯水之主。以制陽光。治宜滋陰降火。用

歸芍天地煎。黃連安神丸。虛人。天王補心丹。

歸芍天地煎。即天地煎。加當歸白芍。心虛不眠者。

益神丸。方見後心痺。

天王補心丹。方見後心痺。

○心氣虛不得卧。小便時滑。目漫神清。氣怯倦怠。

心戰胆寒。時時欲睡。睡中自醒。喜熱惡冷。此心氣

虛不得卧之症也。

心氣虛不得卧之因。真陽素乏。木不生火。心氣虛則

○心主無威。心神失守。而夜卧不安之症。作矣。

心氣虛不得卧之脉。左寸浮散。按之無神。左關無力。木不生火。肝腎脉遲。水中無火。肝腎脉浮。真陽無根。

心氣虛不得卧之治。脉散無神。人參養榮湯。歸脾湯。肝腎脉遲者。八味丸。左關脉弱者。補肝散。脉若帶數。卽非心氣虛。乃心血不足。不得妄引此條。

人參養榮湯

人參 白芍藥 陳皮 黃芪 桂心 當歸

白朮 甘草 熟地 茯苓 五味 遠志

歸脾湯

痿症

秦子曰痿與攣受病相同。症形有異。攣者拘急不能屈伸。內經所謂續短爲拘也。痿者痿弱縱緩而不能起立。內經所謂弛長爲痿也。若時伸時縱則曰瘓瘓。強直反張則曰瘓瘓。皆與痿攣各自一門者也。

外感痿症

風濕

濕熱

燥熱

○風濕痿

風濕痿軟之症。小筋弛長。手足癱瘓。痿弱不能舉動。皮膚不仁。關節重痛。此風濕痿軟之症也。

風濕痿軟之因。或居處卑濕。或冒風雨。畱着經絡。則

縱緩不收。痿軟之症作矣。

風濕痿軟之脉。浮緩主風。浮濡主濕。浮緩而濡。乃是風濕。若見浮緊。乃是寒濕。若見浮數。風熱而濕。洪數而浮。風濕在表。洪數而沉。濕熱在裏。

風濕痿軟之治。身發熱。脉浮緊。羌活勝濕湯。關節重痛。寒氣勝。桂枝湯。加蒼朮。防風。羌活。獨活。熱氣勝。脈浮數者。荆防平胃散。脈沉數者。荆防二妙丸。皮膚不仁。脉浮緩者。蒼防五皮飲。

羌活勝濕湯 方見濕熱腫

家秘桂枝湯 治太陽經寒濕。

桂枝 麻黃 芍藥 甘草 蒼木 防風

羌活 獨活

荆防平胃散 治陽明經上部風濕。

荆芥 防風 蒼木 厚朴 廣皮 甘草

荆防二妙丸 治陽明經下部濕熱。

荆芥 防風 蒼木 黃樞

蒼防五皮飲 治風濕在表之方。

生姜皮 茯苓皮 桑白皮 五茄皮 大腹皮

防風 蒼木

○濕熱痿

濕熱痿軟之症。身體重着。走注疼痛。首如裹。面壅腫。
小便黃赤。手足發熱。小筋弛長。此濕熱痿軟之症
也。

濕熱痿軟之因。時令之濕熱加臨。肥甘之濕熱內積。
或濕熱中於皮膚。傳舍經絡。濕熱傷筋。則弛長爲
痿矣。

濕熱痿軟之脉。浮濡沉數。濡主乎濕。數主乎熱。浮濡
主表。沉數主裏。浮沉皆數。表裏皆熱。

濕熱痿軟之治。脉見浮數。濕熱在表。敗毒散。太陽一
妙丸。脉沉而數。積熱在裏者。川連枳殼湯。陽明一

妙丸。表裏見症者。二方加荆芥防風。

羌活敗毒散

羌活 獨活 柴胡 前胡 防風 荆芥

廣皮 川芎 甘草

太陽二妙丸

黃柏 獨活

陽明二妙丸

黃柏 蒼朮

川連枳殼湯

川黃連 枳殼 廣皮 甘草

表有濕熱者合荆防二妙丸

○燥熱痿

燥熱痿軟之症。口燥唇焦。皮毛乾揭。手足痿軟。不能行動。此燥熱痿軟之症也。

燥熱痿軟之因。或赫羲之年。燥火行令。或秋燥之時。燥氣爍人。陰血不能榮養宗筋。則痿軟之症作矣。燥熱痿軟之脉。洪大數疾。燥火加臨。右脉洪數。燥傷氣分。左脉洪數。燥傷於血。

燥熱痿軟之治。燥火傷氣。右脉洪數者。知母石膏湯。合涼膈散。燥傷陰血。左脉洪數。滋燥養榮湯。

知母石羔湯 治燥火傷氣分者。

知母 石羔 地骨皮 麥冬 天花粉 甘草

涼膈散

桔梗 連翹 天花粉 山梔 薄荷 黃芩

川連 甘草

滋燥養榮湯 治燥傷陰血者。

當歸 生地 白芍藥 秦芫 黃芩 荆芥

甘草 丹皮 犀角

內傷痿症 肺熱 心熱 肝熱 脾熱 腎熱

○肺熱痿

症因脈治 卷三 四
肺熱痿軟之症。皮毛乾揭。上則喘咳。下則攣拳。此內
經肺熱成痿之症也。

肺熱痿軟之因。有志不遂。所求不得。鬱而生火。火來
尅金。肺熱葉焦。清化不行。金不生水。則肺熱痿躄
之症作矣。

肺熱痿軟之脈。寸脈浮數。浮則主肺。數則主熱。浮數
相兼。主乎肺熱。

肺熱痿軟之治。腎火上炎。知栢天地煎。玄武膠爲丸。
肺中伏火。二母二冬湯。合家秘瀉白散。

知栢天地煎

知母 二兩
黃栢 二兩
天冬 八兩
地黃 八兩

玄武膠爲丸

二母二冬湯

川貝母 知母 天門冬 麥門冬

家秘瀉白散

桑白皮 地骨皮 甘草 桔梗 石羔

川黃連 黃芩

○心熱痿

心熱痿軟之症。四肢關節不能活動。足脛縱緩。不能收持。如樞紐之折而不能提挈。面頰常赤。意亂心

煩。此內經心熱痿軟之症也。

心熱痿軟之因。內而慾心妄動。外而起居如驚。則心火上炎。三陰在下之脈。亦厥逆而上。火盛水衰。則陰血日損。而心熱脈痿作矣。

心熱痿軟之脈。脈多洪數。左寸尤甚。肝脈上朝。木火通明。兩尺躁疾。水衰火旺。

心熱痿軟之治。左寸洪數者。導赤各半湯。左關上朝者。瀉清丸。合龍胆瀉肝湯。尺脈躁疾。水中火發。六味丸。合丹溪大補丸。

導赤各半湯

生地 木通 川連 甘草 黃芩 山梔

犀角磨冲

瀉青丸 見後肝痺

龍胆瀉肝湯 見前肝火脹

六味丸合大補丸 卽六味地黃丸加黃栢 四兩

○肝熱痿

肝熱痿軟之症。汗溢口苦。兩脅攻刺作痛。筋膜乾急。筋縮而攣。此內經肝熱痿弱之症也。

肝熱痿軟之因。惱怒傷肝。肝氣怫鬱。木燥火生。則筋膜乾急。而肝熱痿弱之症作矣。

肝熱痿軟之脈。左關沉澹。肝胆鬱結。或見沉數。肝胆裏熱。左寸洪數。木火通明。左尺洪數。木燥水竭。

肝熱痿軟之治。兩脇刺痛。清肝順氣飲。筋膜乾急。補陰丸。筋急攣蹠。舒筋活絡丹。肝腎水虛火旺。家秘肝腎丸。

清肝順氣飲

柴胡 黃芩 山梔 蘇梗 青皮 木通

枳殼 甘草

補陰丸

黃栢 知母 熟地 敗龜板 白芍藥

陳皮 牛膝 虎骨 當歸

右為末羊肉為丸

舒筋活絡丹

熟地黃 白芍藥 當歸 川芎 秦艽 木瓜

米仁 黃栢 等分為丸

家秘肝腎丸

天門冬六兩 生地黃六兩 當歸身二兩 白芍藥二兩 知母二兩

黃栢二兩 右以天冬生地二味煎三四次收為膏

以歸芍知栢四味為細末打為丸

○脾熱痿

痿症 收寧堂

脾熱痿軟之症。唇焦齒燥。口乾作渴。肌肉不仁。身重不能轉側。縱緩不能舉動。此內經脾熱痿弱之症也。

脾熱痿軟之因。或因水飲不謹。水積熱生。或因膏粱積熱。濕熱傷脾。脾主肌肉。故常不仁。脾主四肢。故常痿軟。

脾熱痿軟之脈。六脈濡滯。濕氣所傷。若見洪數。乃是濕熱。右關主脾。脈弦乃病。弦而大數。脾胃有熱。

脾熱痿軟之治。水濕生熱者。梔連平胃散。梔連二陳湯。膏粱積熱者。川連枳殼湯。或瀉黃散。

梔連平胃散

梔連二陳湯

上二方見脾熱腫門

川連枳殼湯

瀉黃散

上二方見脾實腹脹

○腎熱痿

腎熱痿軟之症。腰骨不舉。尻以代踵。脊以代頭。足不任地。骨痿不能起於床。此內經腎熱痿弱之症也。腎熱痿軟之因。思想無窮。意淫於外。入房太甚。宗筋弛縱。又有遠行勞倦。逢大熱而渴。陽氣內伐。水不勝火。水虧於下。則腎熱而骨痿。

腎熱痿軟之脉。尺脉大而虛。腎氣不足。尺脉搏而急。
腎經火發。尺脉細而疾。腎水乾竭。

腎熱痿軟之治。尺脉大而虛。人參固本丸。尺脉搏而
急。知栢天地煎。尺脉細而疾。坎離既濟丸主之。

人參固本丸 見前精虛三消門

知栢天地煎 見前肺熱痿

坎離既濟丸

熟地四兩 當歸三兩 白芍藥三兩 牡丹皮三兩 知母二兩

天門冬四兩 黃栢二兩 麥門冬

右爲細末。玄武膠鹿角膠等分爲丸。

附筋攣

秦子曰、痠與攣。症形各別。症因相同。症形各別。故不
得不另立一門。症因相同。故治法大同而畧異。然二
症宜合而互發者也。今立外感二條。內傷二條。

○外感

寒濕

濕熱

外感筋攣之症。素無筋骨攣縮之候。一旦惡寒身痛。
手足拘攣。不能轉側。此外感寒濕筋攣之症也。若
發熱自汗。口燥唇乾。二便赤澁。此外感濕熱筋攣
之症也。

外感筋攣之因。內經云。因寒則筋急。又云。寒則筋攣。

此外感寒濕之邪。而令人筋脉攣蹇者也。又云。因於濕。首如裹。濕熱不攘。則熱傷陽明之血。而大筋綆短。此外感濕熱而筋脉攣拳者也。

外感筋攣之脉。左脉浮緊。寒濕傷血。右脉浮緊。寒濕傷氣。左脉洪數。濕熱傷血。右脉洪數。濕熱傷氣。

外感筋攣之治。左脉浮緊。寒濕傷於太陽者。羌活勝濕湯。傷於少陽者。柴胡防風湯。右脉浮緊。寒濕傷於陽明者。乾葛防風湯。蒼朮防風湯。若左脉洪數。濕熱傷於太陽者。羌活冲和湯。四味舒筋湯。合獨活二妙丸。濕熱傷於少陽者。小柴胡湯。聖惠方。秦

芎湯。右脉洪數。濕熱傷於陽明者。二妙丸神木湯。

羌活勝濕湯

羌活 蒼朮 防風 白朮 澤瀉 白茯苓

廣皮 甘草

柴胡防風湯

柴胡 防風 羌活 甘草 荆芥 川芎

乾葛 廣皮

乾葛防風湯

乾葛 防風 荆芥 羌活 川芎 枳殼

甘草

蒼朮防風湯

蒼朮 防風

羌活冲和湯

羌活 黃芩 防風 白芷 川芎 生地

廣皮 甘草

四味舒筋湯

獨活 當歸 蒼朮 黃栢

獨活二妙丸

獨活 黃栢

小柴胡湯

柴胡 黃芩 廣皮 甘草

聖惠方

秦艽 柴胡 甘草

秦艽湯

秦艽 防風 柴胡 黃芩 廣皮 白芍藥

甘草

二妙丸

蒼朮 黃柏

神朮湯

蒼朮 石羔

○內傷筋攣

內傷筋攣之症。皮膚乾揭。遍身燥痒。手足難於舉動。漸至肌肉黑瘦。筋脉攣縮。此肝經血少筋攣之症也。若兩足拘緊不能伸。或左右換易作痛。漸至兩臂皆縮。此陽明經濕熱筋攣之症也。

內傷筋攣之因。內經云。脉弗榮則筋急。又云。肝主筋。肝氣熱則筋膜乾。筋膜乾則筋急而攣。又云。陽明主潤宗筋。束骨而利機關。若濕熱不攘。則大筋繆短。而筋縮而攣。

內傷筋攣之脉。左關細數。肝經血熱。左關細澀。血海

乾枯。右關弦細。陽明血虛。右關數大。陽明濕熱。

內傷筋攣之治。肝經血熱者。知栢四物湯。肝主風。血少風生者。補肝散。合鈞膝膏。血海乾枯者。補陰丸。若陽明虛者。意以仁散。合金銀膝膏。陽明濕熱甚者。四味舒筋湯。

知栢四物湯 治肝經血熱筋攣。

知母 黃栢 當歸 生地 川芎 白芍藥

補肝散

當歸 白芍藥 羌活 秦艽

鈞膝膏

鈎藤 當歸 川芎 生地 白芍藥

補陰丸 治肝經血枯筋攣。

當歸 生地 白芍藥 丹皮 牛膝 木瓜

龜版 虎骨 羊肉為丸

意以仁散 治肺熱痿痺筋攣。兼治陽明濕氣。

意以仁 一觔 焙研末水調服

金銀滕膏 治陽明經濕熱筋攣。

金銀滕 一觔 秦芫 四兩 木瓜 四兩 蒼朮 四兩 黃栢 四兩

四味舒筋湯 治陽明經濕熱筋攣

秦芫 木瓜 蒼朮 黃栢

家秘清胃湯

升麻 川連 山梔 丹皮 生地 木通

甘草 水煎以藥汁磨生犀冲服

家秘舒筋丸

當歸 二兩 白芍藥 二兩 知母 二兩 黃栢 二兩 秦艽 四兩 木瓜 四兩

上六味研細末

金銀藤 二斤 鈎藤 一斤 天門冬 六兩 懷生地 六兩 威靈仙 四兩 酒浸

何首烏 四兩 蒸

上六味水煎去渣收厚膏拌前末藥打為丸

槓按內經論痿云肺熱葉焦則生痿躄心氣熱則生

脉痿。脛縱不能任地。肝氣熱。則筋膜乾。筋急而攣。脾氣熱。則胃乾而渴。發爲肉痿。腎氣熱。則腰脊不舉。發爲骨痿。又繳上文曰五藏因肺熱相乘而發痿。痿皆主於大熱。肺熱者色白毛敗。心熱者色赤脉溢。肝熱者色蒼瓜枯。脾熱者色黃而肉動。腎熱者色黑齒槁。又摠結上文治痿之法曰。獨取陽明。陽明者。五藏六府之海。主潤宗筋。主束骨而利機關。明明言陽明廣納水穀。飲食熱物。必先受之。五藏六府。皆稟氣於胃。若腸胃有積熱。則陽明受熱。肺受火形。而成痿矣。原病式云。手足痿軟。非外中於風。乃內熱而生。因肺

熱而血液乾燥。不能榮養百骸。故也。子和云。痿因肺熱相乘於四藏。若作寒治。是殺之也。丹溪云。治痿而得經旨者。千古來惟河間一人。劉宗厚云。痿症內經所論至詳。柰後代方書。槩多差謬。皆因手足癱痿。有似中風。足臂難行。又似風痺。於是悞以中風諸痺治之。遺禍至今。楨按諸公之論。極爲正當。但尚未發明內經論痿。以陽明積熱相傳於肺。治宜獨取陽明。以澄其源。則不消燦血液。而主潤宗筋。能束骨利機關。故下文繳明曰。陰陽摠宗筋之會。會於氣衝。而陽明爲之長。屬於帶脉。而絡於督脉。陽明病。則宗筋熱而

經脈不引而足痿矣。此言膏粱積熱。內傷成痿之症。必當獨取陽明。而爲治痿下手真訣。夫內經治病。獨詳於針灸。而針法則曰。虛者當補。實者當取。今言獨取陽明者。以痿症乃陽明實熱致病耳。然亦不特專務用藥。卽針取陽明。是亦一法也。再攷生氣通天論云。因於濕。濕熱不攘。大筋軟短。小筋弛張。此言痿攣之症。不獨內傷。亦有外感於濕。若不攘奪而去之。則濕久變熱。熱久變燥。燥傷血液。亦成痿攣。申明濕熱未變燥熱。可用祛濕清熱之法。若已成痿攣。亦宜清熱潤燥。主潤宗筋。若悞投燥濕。則違悖主潤宗筋。

之經旨。內經又云、膏粱之變。足生大疔。又有能食而渴。則發腦疽。又云上太過。令人四肢不舉。此真膏粱積熱。非肝腎經虛。細按諸條。皆互發生疔發毒。手足不舉。足躄痿攣。皆因膏粱積熱而起。須要清腸胃之積熱。無論禁忌燥熱之藥。卽專用滋陰降火。亦非肝腎經虛。而不對病者也。但清腸胃積熱。不比他經。他經之熱。易清。膏粱積熱。隨清隨起。若縱肆口腹。則飲酒焉。酒熱上熏於肺矣。厚味焉。膏粱積熱矣。卽塩從火化。鹹味太多。亦能發渴發熱。駱龍吉云。藥中肯綮。若不淡薄滋味。雖日進清熱。而積熱日生。一寒十暴。

吾知其不能萬全也。夫膏粱積熱。乃油膩葷腥之濕熱。若見濕熱下瀉。則不生疔發毒。若濕熱不得下泄。則壅腫而發毒矣。若日久變燥。二便阻澁。則爲土太過。手足不舉矣。故清除積熱。則二便如常。脾胃清和。輸化水穀。生精養血。主潤宗筋。而利機關。

痺症

秦子曰痺者閉也。經絡閉塞。麻痺不仁。或攻注作疼。或凝結關節。或重着難移。手足偏廢。故名曰痺。今列外感四條。內傷八條。

外感痺症

風痺

寒痺

濕痺

熱痺

○風痺

風痺之症。走注疼痛。上下左右行而不定。故名行痺。

此風邪為痺之症也。

風痺之因。或元氣不充。或病後體虛。或飢餓勞役。風

邪乘之。則風痺之症作矣。

風痺之脉。或見浮緩。外受風邪。或見浮數。乃是風熱。或見浮緊。風寒之別。浮濡而濇。乃是風濕。

風痺之治。風寒攻痛。防風湯。表裏有邪者。防風通聖散。和血散痛湯。大秦芫湯。風熱痛者。四物二妙丸。風濕之邪。蒼防二妙湯。

防風湯

防風 當歸 赤茯苓 杏仁 秦芫 葛根

羌活 桂枝 甘草

防風通聖散

防風 川芎 當歸 白芍藥 大黃 薄荷

麻黃 連翹 芒硝 石羔 黃芩 桔梗

滑石 甘草 荆芥 白朮 山梔 生姜

和血散痛湯

羌活 升麻 麻黃 桃仁 柴胡 紅花

當歸 防風 甘草 獨活 猪苓 黃栢

防已 知母 黃連

大秦芫湯 治風濕攻走作痛

羌活 升麻 獨活 蒼朮 防風 威靈仙

茯苓 當歸 澤瀉

四物二妙丸 治風熱攻走作痛

蒼朮 黃柏 羌活 白芍藥 威靈仙 陳皮

蒼朮 防風 全煎服 治風濕攻走作痛。

○寒痺 防風 全煎服

寒痺之症。疼痛苦楚。手足拘緊。得熱稍減。得寒愈甚。

名曰痛痺。此寒邪成痺之症也。

寒痺之因。營氣不足。衛外之陽不固。皮毛空疎。腠理

不充。或冲寒冒雨。露卧當風。則寒邪襲之。而寒痺

作矣。

寒痺之脉。脉多浮緊。或見浮弦。或見沉遲。脉若見數

寒鬱成熱。

寒痺之治。寒傷太陽。在營分無汗。麻黃續命湯。傷衛有汗。桂枝續命湯。寒傷陽明。乾葛續命湯。在少陽。柴胡續命湯。今家秘立十味羌活湯通治之。

麻黃續命湯 卽本方倍加麻黃

桂枝續命湯 卽本方倍加桂枝

乾葛續命湯 卽本方倍加乾葛

柴胡續命湯 卽本方倍加柴胡

家秘羌活湯 通治風寒濕三氣痛痺。

羌活 防風 秦艽 柴胡 葛根 獨活

川芎 蘇梗 木通 鈎藤

○濕痺

濕痺之症。或一處麻痺不仁。或四肢手足不舉。或半身不能轉側。或濕變爲熱。熱變爲燥。收引拘攣作痛。蹇縮難伸。名曰着痺。此濕痺之症也。

濕痺之因。或身居卑濕。濕氣襲人。或冲風冒雨。濕留肌肉。內傳經脉。或雨濕之年。起居不慎。而濕痺之症作矣。

濕痺之脉。脉見浮濡。乃是風濕。脉見浮緊。乃是寒濕。脉洪而數。濕熱之診。

濕痺之治。發汗。羌活除濕湯。胸滿悶。茯苓湯。風濕蒼

防二妙湯。寒濕。木附湯。濕熱。蒼栢二妙丸。

羌活除濕湯。通治風寒濕熱。四氣成痺。

羌活 防風 柴胡 獨活 蒼朮 茯苓

澤瀉 猪苓 甘草 陳皮 黃連 黃栢

川芎 升麻

茯苓湯。即枳桔二陳湯。易赤茯苓。

蒼防二妙湯。治風濕成痺。

蒼朮 防風 二味等分全煎

木附湯。治寒濕成痺。

蒼朮 熟附子

蒼栢二妙丸 風見前濕熱痿

○熱痺

熱痺之症。肌肉熱極。唇口乾燥。筋骨痛不可按。體上如鼠走狀。此內經所云。陽氣多。陰氣少。陽獨盛。故爲熱痺之症。內經原有熱痺。方書止列三條。悞也。熱痺之因。陰血不足。陽氣偏旺。偶因熱極見寒。風寒外束。內經云。炁氣相薄。則脉滿而痛。此熱痺所由生也。

熱痺之脉。浮大而數。熱在經絡。沉大而數。熱已深入。

大數屬氣。細數者血。寸脉數大。熱在於上。尺脉數大。熱在於下。

熱痺之治。熱在經絡者。四味舒筋湯。熱已深入。潛行散。氣分有熱者。蒼栢二妙丸。熱在血分者。虎潛丸。四味舒筋湯。治腿足腫痛。脚筋攣縮。

獨活 當歸 黃栢 蒼朮 四味等分同煎
潛行散 滋陰補腎。壯骨健行。此方獨勝。

黃栢 一味炒研水丸服

蒼栢二妙丸 治濕熱傷氣分者。

蒼朮 黃栢 二味同研水丸

虎潛丸 治濕熱入血分者。

龜板膠 四兩 黃栢 四兩 炒 知母 四兩 川牛膝 二兩 熟地黃 四兩

白芍藥 四兩 當歸 四兩 虎骨 一兩 炙

右為細末。玄武膠溶化為丸。

內傷痺症 肺痺 心痺 肝痺 腎痺 脾痺 腸痺 胞痺 胸痺

○肺痺

肺痺之症。即皮痺也。煩滿喘嘔。逆氣上冲。右脅刺痛。

牽引缺盆。右臂不舉。痛引腋下。此肺痺之症也。

肺痺之因。或形寒飲冷。或形熱飲熱。肺為華蓋。惡熱

惡寒。或悲哀動中。肺氣受損。而肺痺等症作矣。

肺痺之脉。寸口脉澁。責之在肺。或見遲弦。寒飲所傷。或見洪數。乃是傷熱。浮遲肺寒。沉數裏熱。

肺痺之治。火熱傷肺者。家秘瀉白散。肺氣受損。肺虛液少。生脉散。加二冬二母。氣虛上逆。參橘煎。人參平肺散。

家秘瀉白散

桑白皮 地骨皮 甘草 黃芩 石羔 川連

生脉散

人參 麥門冬 北五味 三味同煎

參橘煎

人參平肺散

人參 桑白皮 地骨皮 肥知母 天門冬

橘紅 甘草

○心痺

心痺之症。卽脉痺也。脉閉不通。心下鼓暴。噤乾善噫。厥氣上。則恐。心下痛。夜卧不安。此心痺之症也。

心痺之因。或焦思勞心。心氣受傷。或心火妄動。心血虧損。而心痺之症作矣。

心痺之脉。左寸沉數。沉爲心痛。數爲心熱。或散而大。散則失志。大爲失血。

心痺之治。心火盛者。導赤各半湯。心神失守者。安神丸。虛弱人。歸脾湯。虛火旺者。天王補心丹。導赤各半湯。

川黃連 甘草 生地 木通 山梔 麥冬

犀角

硃砂安神丸

硃砂 川連 生地 當歸

天王補心丹

人參 玄參 丹參 桔梗 遠志肉 酸棗仁

栝子仁 天冬 麥冬 五味 當歸 生地

茯神 川連

○肝痺

肝痺之症。卽筋痺也。夜卧則驚。多飲數小便。腹大如懷物。左脇凝結作痛。此肝痺之症也。

肝痺之因。逆春氣。則肝氣怫鬱。惱怒傷肝。則肝氣逆亂。驚動魂魄。則肝氣不寧。皆成肝痺之症也。

肝痺之脉。左關弦數。肝家有熱。或見沉滯。肝家鬱結。或見虛弦。肝家少血。

肝痺之治。左關弦數者。瀉青丸。或瀉肝湯。左關沉滯者。柴胡疎肝散。左關虛弦。逍遙散。或補肝散。

瀉青丸

當歸 龍胆草 川芎 梔子 大黃 羌活

防風

龍胆瀉肝湯 見前肝火脹

柴胡疎肝散

柴胡 陳皮 川芎 芍藥 枳殼 香附

甘草

逍遙散

白朮 白芍藥 當歸 甘草 柴胡 廣皮

補肝散

山茱萸 當歸 北五味 山藥 黃芪 棗仁

川芎 木瓜 熟地 白朮 獨活

○腎痺

腎痺之症。卽骨痺也。善脹。腰痛。遺精。小便時時變色。足攣不能伸。骨痠不能起。此腎痺之症也。

腎痺之因。內經云。或遠行勞倦。逢大熱而渴。水不勝火。則骨枯而髓虛。或不慎房勞。精竭血燥。則筋骨失養。腰痛不舉。而腎痺之症作矣。

腎痺之脉。兩尺細數。或見浮大。腎脉本沉。今反躁疾。水衰火動。腎痺之脉。

腎痺之治。遠行勞倦者。坎離丸。房勞精竭者。河車封髓丹。腎火上炎者。家秘滋腎丸。真陽不足者。八味丸料。溶鹿龜二膠爲丸。真陰不足者。家秘天地煎。坎離既濟丸。見前腎痿。

河車封髓丹

天門冬 熟地黃 人參 河車 一具

家秘滋腎丸

黃栢 二兩 知母 二兩 肉桂 二錢

共爲細末。玄武膠爲丸。

八味丸 卽六味丸加肉桂附子

家秘天地煎

天門冬 懷地黃 知母 黃栢

四味全煎三次去渣冲玄武膠收膏服

○脾痺

脾痺之症。卽肌痺也。四肢怠惰。中州痞塞。隱隱而痛。大便時瀉。面黃足腫。不能飲食。肌肉痺而不仁。此脾痺之症也。

脾痺之因。脾爲胃行津液。權主磨化。若飲食過多。飢飽失節。則脾氣受損。失其健運。而脾痺之症作矣。脾痺之脉。脉見弦滑。脾虛停滯。若見空大。脾胃損傷。

若見虛細脾弱多痢。

脾痺之治。脾虛不能磨化。枳朮消痞丸。脾有停滯者。
保和丸。脾虛失健運之機。四君子湯。大便不實。異
功散。參苓白朮散。

枳朮丸

白朮 陳枳實

保和丸

山查 神麴 半夏 白茯苓 萊菔子 廣皮

連翹

四君子湯 見前腹脹

異攻散 卽四君子湯加廣皮

六君子湯 卽異攻散加半夏

○腸痺

腸痺之症。數飲而小便不出。氣窒小腹。中氣喘爭。時發殮泄。此腸痺之症也。

腸痺之因。或飲水太過。或飲食有傷。中氣垂張。壅塞閉逆。不得下順。返而上冲。則喘爭小便不利。水穀混於大腸。則殮泄。此腸痺之因也。

腸痺之脉。六脉多弦。寸口脉弦。病在於肺。尺脉弦數。下部有熱。左關沉弦。小腹氣結。右關沉弦。病在中

焦。寸沉尺浮。大腸飧泄。六脉沉遲。真陽內竭。

腸痺之治。數飲。病在上。當清肺。知母石羔湯。小便不出。五苓散。氣窒小腹。病在下。青皮飲。中氣喘爭。枳殼湯。若有飧泄。當分利陰陽。四苓車前散。飧泄脉遲。異攻散。合八味腎氣丸。

知母石羔湯 治上焦消渴。

知母 石羔 麥冬 竹葉 桑白皮 甘草

五苓散 見裏熱不得卧

青皮飲

青皮 大腹皮 木通 枳殼 廣皮 白芍藥

甘草

枳殼湯

枳殼

蘇梗

桔梗

廣皮

甘草

四苓散

卽五苓散去肉桂

八味腎氣丸

卽金匱腎氣丸

○胞痺

胞痺之症。卽膀胱痺也。小腹脹閉。按之內痛。若沃以湯。清涕上出。小便下澁。膀胱脹急。此胞痺之症也。胞痺之因。膀胱者。州都之官。津液藏焉。氣化則能出矣。其人若上傷肺氣。清化之令。不及州都。下傷腎

氣開闔之關不利。而胞痺之症作矣。

胞痺之脉。或見沉數。胞中熱結。或見沉澹。虛中之熱。

或見細澹。氣化不及。或見沉遲。陽虛陰結。

胞痺之治。脉沉而數者。八正散去大黃。脉虛而數。清

心蓮子飲。津液乾竭。生脉散。氣化不及。補中益氣

湯。脉沉遲者。金匱腎氣丸。

八正散 見濕熱腫

清心蓮子飲

黃芩 麥冬 地骨皮 車前子 石蓮肉

人參 黃芪 白茯苓 甘草

生脉散 見前精虛消

補中益氣湯 見虛煩不得卧

金匱腎氣丸 見前肝腎腫脹

○胸痺

胸痺之症。卽胃痺也。胸前滿悶。凝結不行。食入卽痛。不得下嚥。或時作嘔。此胸痺之症也。

胸痺之因。飲食不節。飢飽損傷。痰凝血滯。中焦混濁。則閉食悶痛之症作矣。

胸痺之脉。金匱云。陽微陰弦。又云。寸口脉沉而遲。乃言陽微也。關上小緊數。乃陰弦也。

胸痺之治。金匱以喘息咳唾。胸背痛。短氣。栝樓薤白
白酒湯主之。加以不得臥。心痺徹背者。栝樓薤白
半夏湯主之。若心中痛。留氣結在胸。胸滿。兼以脅
下逆搶心。枳實薤白桂枝湯。後以人參湯補氣。若
甚而胸中氣塞。加以短氣。茯苓杏仁甘草湯。後以
橘枳生姜湯。胸痺。肢節之筋。有緩有急。米仁附子
湯。心中痛痞逆。桂枝生姜枳實湯。以上金匱以寒
因主治之法。若熱因諸胸痺。則梔連二陳湯。小陷
胸湯。川連枳橘湯。加味二陳湯。可以選用也。

栝樓薤白白酒湯

枯樓實 薤白 白酒

枯樓薤白半夏湯

枯樓實 薤白 半夏 白酒

枳實薤白桂枝湯

枳實 薤白 桂枝 厚朴 桔萸

人參湯

人參 白朮 乾姜 炙甘草

茯苓杏仁甘草湯

茯苓 杏仁 甘草

橘枳生姜湯

橘皮 枳實 生姜

意以附子湯

意以仁 熟附子

右二味爲末白湯調服五分

桂枝生姜枳實湯

桂枝 生姜 枳實

以上八方金匱治寒因痺

梔連二陳湯 卽二陳湯加山梔黃連

小陷胸湯

栝蒌實 半夏 川黃連

症因脈治 卷三 痺症 七

川連枳桔湯

即枳桔湯加川連橘皮名川連枳橘湯

加味二陳湯 陶氏治痰結胸痛。

熟半夏 白茯苓 廣皮 甘草 枳實 桔梗

川黃連 瓜蒌仁 杏仁

以上四方家秘增補以治熱因之痺。

胸痺與胃痛有別。胃痛不因飲食亦痛。胸痺不食無
恙。飲食則痛而不能下。若論病因。同是痰飲死血。酒
食損傷。憂思鬱結。究其輕重。則胸痺為重。以胃痛實
症居多。實者易平。胸痺起於日久。損傷難治耳。

痿軟論

秦子曰。痿主乎火。軟主乎濕。內經云。疼酸驚駭。皆屬於火。又云。大筋軟短。皆因於濕。詳攷何經致病。則陽明主多。故治痿獨取陽明。以其主潤宗筋。束骨而利機關也。謹按陽明經外感。有風濕。有濕溫。則令人遍身痿軟。陽明經內傷。有痰飲。有濕火。亦令人遍身痿軟。其病發作如瘧疾之有定期。或一日。或間日而發。若發於寅卯時。乃是肝胆經火。若發於辰巳時。又是太陽經病。二者皆陽明之兼病也。

外感痿軟

風濕 濕溫

○風濕痿軟

風濕痿軟之症。頭痛額痛。一身盡痛。不能轉側。四肢痿軟。骨節煩疼。日晡發熱劇者。風濕痿軟之症也。風濕痿軟之因。或流衍之紀。風雨連綿。或冲風冒雨。陰雨襲人。或乘風露卧。陰濕之邪。傳入經絡。則遍身痿軟之症作矣。

風濕痿軟之脉。左脉浮大。或反沉伏。太陽風濕。右脉浮大。或反沉伏。陽明風濕。六脉弦大。少陽風濕。

風濕痿軟之治。頭痛身痛。不能轉側。症兼太陽者。羌活勝濕湯。倍加防風。乾葛。額痛目痛鼻乾不眠。日

瞽劇者。陽明經症也。乾葛湯。加蒼朮。防風。發汗已。多汗。加秦芫。木瓜。若時寒時熱。少陽見症者。小柴胡湯。加防風。蒼朮。久不愈者。聖惠方。用柴胡。以治肝胆之痿軟。重用秦芫。而得捷效。以痿軟無有不兼陽明者也。

羌活勝濕湯 治太陽少陽濕溫。

羌活 防風 柴胡 蒼朮 川芎 茯苓

猪苓 澤瀉 黃柏 甘草

乾葛湯 治陽明經症。

乾葛 升麻 白芍藥 甘草

小柴胡湯 見內傷痠軟

聖惠方 治少陽陽明痠軟神效。

柴胡一兩 秦艽一兩 甘草三錢 原方

家秘治濕勝加蒼朮有熱加黃柏有風加防風通加木瓜以引經奇驗。

○濕溫痠軟

濕溫痠軟之症。頭痛項強。骨節煩疼。發熱多汗。兩脛逆冷。遍身痠軟。煩悶引飲。胸滿嘔吐。此濕溫痠軟之症也。

濕溫痠軟之因。地之濕氣上升。天之熱氣下降。濕溫

之氣充塞兩間。人爲濕熱所傷。則痠軟之症作矣。
濕溫痠軟之脉。左脉浮數。太陽濕溫。右關脉數。陽明
濕溫。六脉弦數。少陽濕溫。

濕溫痠軟之治。頭痛項強。骨節煩疼。兩脛逆冷。太陽
表症也。羌活防風湯。有汗者。合神朮湯。發熱多汗。
煩躁煩渴。陽明經症也。葛根湯。合神朮湯。寒熱往
來。胸滿嘔吐。少陽經症也。小柴胡合神朮湯。陽明
少陽合病者。聖惠方。絕妙。

羌活防風湯

羌活 防風 甘草 廣皮

神木湯 通治濕溫。

蒼朮 石羔

乾葛湯 見前條

小柴胡湯 見後痰飲瘦軟條

聖惠方 見前條 家秘治瘦軟要方。

內傷瘦軟 痰飲 積熱

○痰飲瘦軟

痰飲瘦軟之症。胸次不寬。惡心飽悶。時或四肢重滯。不能舉動。或背心一片。冰冷如石。時或間日而發。作如瘧。此痰飲瘦軟之症也。

痰飲痿軟之因。飲食過飽。停積中焦。熱氣勝則成頑。
痰結痰。水氣勝則成畱飲。伏飲聚於胃中。攻注手
足肩背。則痿軟等症作矣。

痰飲痿軟之脉。右關脉滑。胃家有痰。左關弦滑。肝胆
畱涎。脉滑不數。畱飲伏飲。脉滑而數。結痰熱痰。

痰飲痿軟之治。右關脉滑。惡心飽悶者。桔梗湯。平胃

二陳湯。背心一片如冰者。水煮金花丸。四肢不能
舉動。便實者。指迷丸。間日發作者。平胃二陳湯。左
關弦數。脇下作脹者。胆星湯。有寒熱。合小柴胡湯。
桔梗湯

枳殼 桔梗 半夏 陳皮

平胃二陳湯

半夏 廣皮 蒼朮 厚朴 甘草 白茯苓

水煮金花丸

半夏 胆星 天麻 雄黃

右爲細末白麵爲丸

指迷丸

半夏 茯苓 廣皮 甘草 枳殼 玄明粉

胆星湯 家秘治胆火成痰四肢痿軟。

陳胆星 柴胡 黃芩 廣皮 甘草 青黛

海石

小柴胡湯

柴胡

黃芩

廣皮

甘草

人參

○積熱痿軟

積熱痿軟之症。四肢煩疼。時或重滯。手足心時冷。時
熱。或發熱如瘧。時或清爽。時或倦怠。時或身重。如
負重物。小便黃赤。大便乍難乍易。此積熱痿軟之
症也。

積熱痿軟之因。或高粱積熱。濕熱甚於腸胃之中。或
飲酒使內熱氣聚於脾中而不散。或多飲茶湯水。

濕久積於內。則成積熱痿軟之症矣。

積熱痿軟之脈。多見弦數。弦主脾病。數主脾熱。右關弦數。腸胃積熱。左脈弦數。肝胆之熱。

積熱痿軟之治。膏梁積熱。梔連二陳湯。清胃湯。熱氣聚於脾中者。梔連戊己湯。木火乘脾者。龍胆瀉肝湯。

梔連二陳湯

山梔 川黃連 廣皮 甘草 半夏 白茯苓

家秘用此方。清胃家痰火。胸前飽悶。加蒼朮。

清胃湯 治胃中有火無痰。

升麻 川黃連 山梔 甘草 丹皮

口乾渴。加乾葛唇焦消水。加石羔。

梔連戊己湯

山梔 川黃連 白芍藥 甘草

家秘用此方。清脾火。兼清肝火。

龍胆瀉肝湯 治肝胆實火。

龍胆草 黃芩 山梔 知母 天門冬

麥門冬 柴胡 人參 甘草 川黃連

痠軟痿攣。病在筋脉。方書以為肝經所主。然細詳病情。實陽明經主病者多。以陽明為宗筋之會。主束骨

痿軟 六

而利機關。且陽明為水穀之海。濕熱本於此。濕熱在經。未變燥執。濕主乎柔。則發痠軟。濕熱變燥。則燥主乎剛。燥傷血脉。筋勁脉強。二症起病相同。傳變各別。故治法各異。治痠攣。用清潤宗筋。治痠軟。主清燥宗筋。家秘平胃散。蒼獨三妙丸。合聖惠方。治痠軟之大法也。

山慈竹根黃散

白芍藥

甘草

麻散丸

黃連

黃芩

白芍藥散

白芍藥散

白芍藥散